

四庫全書薈要

• 乾隆御覽本

史部

欽定四庫全書薈要

史部

資治通鑑卷二百十

詳校官編修臣汪鏞



資治通鑑卷二百十

宋司馬光撰

胡三省音註

唐紀二十六

起上章閏茂八月盡昭陽赤奮若凡三年有奇

睿宗玄真大聖大興孝皇帝下

景雲元年八月庚寅往弼第按問

此承上卷洛陽縣官微聞其謀

重福

奄至縣官馳出白留守羣官皆逃匿洛州長史崔日知

獨帥衆討之

重直龍翻守式又翻長知兩翻帥讀曰率

留臺侍御史李邕遇

重福於天津橋從者已數百人馳至屯營

從才用翻即洛城左右屯

營也告之曰譙王得罪先帝

言重福得罪中宗居之均州

今無故入都

此必為亂君等宜立功取富貴又告皇城

東都皇城也

使閉

諸門重福先趣左右屯營營中射之

趣七喻翻射而亦翻

矢如雨

下乃還趣左掖門

還從宣翻掖音亦

欲取留守兵見門閉大怒

命焚之火未及然左屯營兵出逼之重福窘迫策馬出

上東

然與然同窘渠隕翻上東洛城上東門也東面北來第一門

逃匿山谷明日留

守大出兵搜捕重福赴漕渠溺死

考異曰睿宗實錄舊本紀皆云癸巳重

福反今從太  
上皇實錄

日知日用之從父兄也

從才以功拜東都

留守鄭愔貌醜多須既敗梳髻著婦人服匿車中

愔於今翻

著陟略翻

擒獲被鞠股慄不能對

被皮義翻

張靈均神氣自若顧

愔曰吾與此人舉事宜其敗也與愔皆斬於東都市初

愔附來俊臣得進俊臣誅附張易之易之誅附韋氏韋

氏敗又附譙王重福竟坐族誅

史言張靈均雖幸禍好亂之人猶能臨死不變

鄭愔者反覆於羣儉之間冒利不嚴善思免死流靜州

顧而畏死乃爾烏足以權大事乎  
嶺南之靜州貞觀中已改為富州北靜州屬劍南儀鳳  
元年以悉州之悉唐縣置南和州武后天授二年更名

靜州嚴善思免死而流此夙  
依慶倖今從亂又得以偷生

萬騎侍討諸韋之功多

暴橫

騎奇寄翻  
橫戶孟翻

長安中苦之詔並除外官又停以戶奴

為萬騎

戶奴為萬騎蓋必  
起於永昌之後

更置飛騎隸左右羽林

更工  
衡翻

姚元之宋璟及御史大夫畢構上言先朝斜封官悉

宜停廢

璟瑟影翻上時  
掌翻朝直遙翻

上從之癸巳罷斜封官凡數千

人

斜封官見上卷  
中宗景龍三年

刑部尚書同中書門下三品裴談

貶蒲州刺史

舊志蒲州京師東北三  
百二十四里尚辰羊翻

贈蘇安恒諫議

大夫

蘇安恒死見二百八卷中  
宗景龍元年恒戶登翻

九月辛未以太子少

師致仕唐休璟為朔方道大總管

少始照翻

冬十月甲申

禮儀使姚元之宋璟奏

唐世凡有國恤皆以宰相為禮儀使掌山陵祔廟等事使疏吏

翻

大行皇帝神主應祔太廟請遷義宗神主於東都別

立廟從之

義宗祔廟見二百八卷中宗神龍元年

乙未追復天后尊號

為大聖天后 丁酉以幽州鎮守經略節度大使薛訥

為左武衛大將軍兼幽州都督節度使之名自訥始

疏使

吏翻

考異曰統紀景雲二年四月以賀拔延秀為河

西節度使節度之名自此始會要云景雲二年賀拔延

嗣為涼州都督充河西節度始有節度之號又云范陽

節度自先天二年始除甄道一新表景雲元年置河西

諸軍州節度支度營田大使按訥先已為節度大使則節度之名不始於延嗣也今從太上皇實錄按是後天寶緣邊御戎之地置八節度使其任愈重受命之日賜雙旌雙節得以專制軍事行則建節樹六纛入境州縣築節樓迎以鼓角衙仗居前旌幢居中大将鳴珂金鉦鼓角居後州縣齎印迎于道左又唐之制有節度大使副大使節度使其親王領節度大使而不出閭則在鎮知節度者為副大使其異姓為節度使者有節度副使至後唐開成二年七月勅項因本朝親王遙領方鎮其在鎮者遂云副大使知節度事但年代已深相沿未改今天下侯伯並正節旌其未落副大使者祇言節度使

太平公主以太子年少

意頗易之既而憚其英武欲更擇闇弱者立之以久其權數為流言云太子非長不當立

少詩照翻易以已亥  
貳翻數所角翻



制戒諭中外以息浮議公主每覲伺太子所為纖介必

聞於上

覲丑廉翻又丑  
艷翻伺相吏翻

太子左右亦往往為公主耳目

太子深不自安

為誅太平公主  
及其夫黨張本

謚故太子重俊曰節

愍太府少卿萬年韋湊上書以為賞罰所不加者則考

行立謚以褒貶之

上時掌翻  
行下孟翻

故太子重俊與李多祚等

稱兵入宮中宗登玄武門以避之太子據鞍督兵自若

及其徒倒戈多祚等死太子方逃竄羈使宿衛不守其

為禍也胡可忍言明日中宗雨泣

雨泣者淚  
下如雨也

謂供奉官

曰中書門下兩省幾不與卿等相見其危如此

幾居今

聖朝禮葬謚為節愍臣竊惑之夫臣子之禮過廟必下

下過位必趨漢成帝之為太子不敢絕馳道

漢成帝

嫁翻初居桂宮元帝嘗急召之太子出龍樓門不敢絕馳道

西至直城門得絕乃度還入作室門上遲之問其故以

狀對乃著令太子得絕馳道

而重俊稱兵宮內跨馬御前無禮甚矣

若以其誅武三思父子而嘉之則興兵以誅姦臣而尊

君父可也今欲自取之是與三思競為逆也又足嘉乎

若以其欲廢韋氏而嘉之則韋氏於時逆狀未彰大義

未絕苟無中宗之命而廢之是脅父廢母也庸可乎漢

戾太子困於江充之讒發忿殺充雖興兵交戰非圍逼

君父也兵敗而死

事見二十二卷武帝征和二年

及其孫為天子始得

改葬猶謚曰戾

見二十四卷宣帝本始元年

況重俊可謚之曰節愍

乎臣恐後之亂臣賊子得引以為比開悖逆之原非所

以彰善癉惡也

彰明也癉病也明其為善病其為惡者也癉丁但翻

請改其謚多

祚等從重俊興兵不為無罪陛下今宥之可也名之為

雪亦所未安上甚然其言而執政以為制命已行不為

追改為于但停多祚等贈官而已十一月戊申朔以

姚元之為中書令已酉葬孝和皇帝于定陵定陵在雍州富

平縣西北十五里廟號中宗朝議以韋后有罪不應祔葬追謚

故英王妃趙氏曰和思順聖皇后求其瘞莫有知者死妃

見二百二卷高乃以禕衣招魂唐制皇后之服曰禕衣

宗上元二年助祭朝會大事之服也深青織成為之畫鞞赤質五色

十二等素紗中單繡領朱羅縠襖襖蔽膝隨裳色以緞

領為綠用翟為章三等青衣革帶大帶隨覆以夷衾敷

衣色禕約紐佩綬如天子青鞞舄加金飾又祔葬定陵

又祔葬定陵翻壬子侍中韋安石罷為太子少保左僕

射同中書門下三品蘇瓌罷為少傅 甲寅追復裴炎

官爵初裴佖先自嶺南逃歸復杖一百徙北庭

佖讀曰胃復扶

又翻至徙所殖貨任俠常遣客訶都下事武后之誅流人

也 裴炎死佖先流嶺南見二百三卷武后光宅元年誅流人見二百五卷長壽二年訶休正翻

佖先

先知之逃奔胡中北庭都護追獲囚之以聞使者至流

人盡死佖先以待報未殺既而武后下制安撫流人有

未死者悉放還佖先由是得歸至是求炎後獨佖先在

拜詹事丞

詹事丞正六品上掌判詹事府事

壬戌追復王同皎官爵

王同皎死見二百八  
卷中宗神龍二年

庚午許文貞公蘇瓌薨制起復

其子頊為工部侍郎頊固辭

頊他  
鼎翻

上使李日知諭旨日

知終坐不言而還

坐徂  
卧翻

奏曰臣見其哀毀不忍發言恐

其隕絕上乃聽其終制

十二月癸未上以二女西城

隆昌公主為女官以資天皇太后之福仍欲於城西造

觀

觀古玩翻道  
士所居曰觀

諫議大夫寧原悌上言以為先朝悖逆

庶人以愛女驕盈而及禍新城宜都以庶孽抑損而獲

全

新城公主下嫁武延暉宜城  
公主下嫁裴奐皆中宗女

又釋道二家皆以清淨

為本不當廣營寺觀勞人費財梁武帝致敗於前先帝

取災於後殷鑒不遠今二公主入道將為之置觀

玩觀古翻

為于偽翻

不宜過為崇麗取謗四方又先朝所親狎諸僧尚

在左右宜加屏斥

朝直遙翻屏卑郢翻

上覽而善之宦者閭興

貴以事屬長安令李朝隱

屬之欲翻朝直遙翻下同

朝隱繫于獄上

聞之召見朝隱勞之曰卿為赤縣令能如此朕復何憂

勞力到翻復扶又翻下無復同

因御承天門集百官及諸州朝集使宣

示以朝隱所為且下制稱宦官遇寬柔之代必弄威權

朕覽前載每所歎息能副朕意實在斯人可加一階為

太中大夫賜中上考及絹百匹 壬辰奚霫犯塞掠漁

陽雍奴出盧龍塞而去

漁陽縣本屬幽州中宗神龍元年分屬營州雍奴縣漢以來屬

漁陽郡隋屬涿郡唐屬幽州盧龍漢肥如縣也屬遠西郡隋開皇十八年更名盧龍屬北平郡唐帶平州霫而

立幽州都督薛訥追擊之弗克 舊制三品以上官冊

授五品以上制授六品以下敕授

唐王言之制有七一曰冊書二曰制書三

曰慰勞制書四曰發勅五曰勅旨六曰論事勅書七曰勅牒

皆委尚書省奏擬文屬

吏部武屬兵部尚書曰中銓侍郎曰東西銓

所謂三銓也 中



宗之末嬖倖用事選舉混淆無復綱紀至是以宋璟為

吏部尚書李乂盧從愿為侍郎皆不畏彊禦請謁路絕

集者萬餘人留者三銓不過二千人服其公以姚元之

為兵部尚書陸象先盧懷慎為侍郎武選亦治

選須綱  
翻治直

吏從愿承慶之族子

盧承慶見三百卷  
高宗顯慶四年

象先元方之子

也

陸元方見二百五  
卷天后證聖元年

侍御史藁城倪若水

藁城縣前  
漢屬真定

國後漢以來屬鉅  
鹿郡唐屬恒州

奏彈國子祭酒祝欽明司業郭山惲

亂常改作希旨病君

謂郊祀請以  
韋后亞獻也

於是左授欽明饒州

刺史山憚括州長史

舊志饒州京師東南三千二百六十三里括州後為處州京師東南

四千二百七十八里

侍御史楊孚彈糾不避權貴權貴毀之上

曰鷹搏狡兔須急救之不爾必反為所噬御史繩姦慝

亦然苟非人主保衛之則亦為姦慝所噬矣乎隋文帝

之姪孫也置河西節度支度營田等使領涼甘肅伊

瓜沙西七州治涼州

唐制凡天下邊軍皆有支度使以計軍資糧仗之用節度不兼支度

者支度自為一司其兼支度者則節度使自支度凡邊防鎮守轉運不給則開置屯田以益軍儲於是

有營田使使疏吏翻

度徒洛翻

姚州羣蠻先附吐蕃攝監察御史李知

古請發兵擊之既降

降戶江翻

又請築城列置州縣重稅之

黃門侍郎徐堅以為不可

斷句

不從知古發劔南兵築城

因欲誅其豪傑掠子女為奴婢羣蠻怨怒蠻酋傍名引

吐蕃攻知古殺之以其尸祭天由是姚雋路絕連年不

通

酋慈由翻雋音隨

安西都護張玄表侵掠吐蕃北境吐蕃雖

怨而未絕和親乃賂鄯州都督楊矩請河西九曲之地

以為公主湯沐邑矩奏與之

九曲者去積石軍三百里水甘草良宜畜牧蓋即漢

大小榆谷之地吐蕃置洪濟大漠門等城以守之史為楊矩後悔思自殺張本鄯時戰翻又音善

二年春正月癸丑突厥可汗默啜遣使請和許之

厥九勿翻

可從刊入聲汗音寒使疏吏翻

已未以太僕卿郭元振中書侍郎張

說並同平章事

說讀曰悅

以溫王重茂為襄王充集州刺

史遣中郎將將兵五百就防之

舊志集州京師西南一千四百二十五里將即

亮翻乙丑追立妃劉氏曰肅明皇后陵曰惠陵德妃竇

氏曰昭成皇后陵曰靖陵皆招魂葬於東都城南

二妃死在

二百五卷武后長壽二年

立廟京師號儀坤廟

會要儀坤廟在親仁里

竇氏太

子之母也

太平公主與益州長史竇懷貞等結為朋

黨欲以危太子使其壻唐駿邀韋安石至其第

駿子安峻翻

石固辭不往上嘗密召安石謂曰聞朝廷皆傾心東宮

卿宜察之對曰陛下安得亡國之言此必太平之謀耳

太子有功於社稷仁明孝友天下所知願陛下無惑讒

言上瞿然曰

瞿俱遇翻然驚視之貌

朕知之矣卿勿言時公主在

簾下竊聽之以飛語陷安石欲收按之賴郭元振救之

得免公主又嘗乘輦邀宰相於光範門內

唐六典曰宣政殿前西廊

曰月華門門西中書省省西南北街南直昭慶門出光範門韓愈伏光範門下上宰相書即此

諷以易

置東宮衆皆失色宋璟抗言曰東宮有大功於天下真宗廟社稷之主公主奈何忽有此議璟與姚元之密言

於上曰宋王陛下之元子幽王高宗之長孫

幽王守禮章懷太子

賢之子長知兩翻

太平公主交構其間將使東宮不安請出宋

王及幽王皆為刺史罷岐薛二王左右羽林使為左右

率以事太子

韋氏初平二王領羽林東宮五率分為左右十率此指左右衛率

太平公

主請與武攸暨皆於東都安置上曰朕更無兄弟惟太

平一妹豈可遠置東都諸王惟卿所處

處昌呂翻

乃先下制

云諸王駙馬自今毋得典禁兵見任者皆改它官

見賢通翻

頃之上謂侍臣曰術者言五日中當有急兵入宮卿等

為朕備之

為于季翻下為陞同

張說曰此必讒人欲離間東宮

問古

覓翻願陞下使太子監國

監古衛翻

則流言自息矣姚元之曰

張說所言社稷之至計也上說

說與悅同

二月丙子朔以宋

王成器為同州刺史幽王守禮為幽州刺史

舊志同州京師東北

二百五十五里幽州京師西北四百九十三里

左羽林大將軍岐王隆範為左

衛率右羽林大將軍薛王隆業為右衛率太平公主蒲

州安置丁丑命太子監國六品以下除官及徒罪以下

並取太子處分

處昌呂翻  
分扶問翻

殿中侍御史崔蒞太子中

允薛昭素言於上曰斜封官皆先帝所除恩命已布

斜封

官見上卷中

姚元之等建議一朝盡奪之彰先帝之過

宗景龍二年

為陛下招怨

為于偽翻

今衆口沸騰徧於海內恐生非常之

變太平公主亦言之上以為然戊寅制諸緣斜封別敕

授官先傳任者並量材敘用

量音良

考異曰朝野僉載云宋璟畢構出後見鬼

人彭君卿受斜封人賄奏云孝和怒曰我與人官何因奪却於是斜封皆復舊職今不取

太平公



主聞姚元之宋璟之謀大怒以讓太子太子懇奏元之

璟離間姑兄

姑謂太平公主兄謂宋王幽王間古覓翻

請從極法甲申貶元

之為申州刺史璟為楚州刺史

舊志申州至京師一千七百九十六里楚州京

師東南二千五百一里

丙戌宋王幽王亦寢刺史之命

中書舍

人參知機務劉幽求罷為戶部尚書以太子少保韋安

石為侍中安石與李日知代姚宋為政自是綱紀紊亂

復如景龍之世矣

素音問復扶又翻又如字

前右率府鎧曹參軍柳

澤上疏以為斜封官皆因僕妾汲引豈出孝和之意

中宗

謚孝和皇帝率所律翻  
上時掌翻疏所去翻

陛下一切黜之天下莫不稱明

一旦忽盡收敘善惡不定反覆相攻何陛下政令之不

一也議者咸稱太平公主令胡僧慧範曲引此曹誑誤

陛下

誑居况翻

臣恐積小成大為禍不細上弗聽澤亨之孫

也

柳亨事隋為王屋長歸高祖以女孫賓氏妻之歷事太宗位至檢校岐州刺史

左右萬騎

與左右羽林為北門四軍使葛福順等將之

騎奇寄翻將即亮翻

又音如字

三月以宋王成器女為金山公主許嫁突厥默

吸

厥九勿翻吸叱劣翻

夏四月甲申宋王成器讓司徒許之以

為太子賓客以韋安石為中書令 上召羣臣三品以

上謂曰朕素懷澹泊不以萬乘為貴

澹徒覽翻 乘繩證翻

曩為皇

嗣又為太弟皆辭不處

為皇嗣見二百四卷天授元年 辭太弟見二百八卷神龍元年

嗣祥吏翻 處昌呂翻

今欲傳位太子何如羣臣莫對太子使右庶

子李景伯固辭不許殿中侍御史和逢堯附太平公主

言於上曰陛下春秋未高方為四海所依仰豈得遽爾

上乃止戊子制凡政事皆取太子處分

處昌呂翻 分扶問翻

其軍

旅死刑及五品已上除授皆先與太子議之然後以聞

辛卯以李日知守侍中 壬寅赦天下 五月太子

請讓位於宋王成器不許請召太平公主還京師許之

庚戌制則天皇后父母墳仍舊為昊陵順陵量置官

屬

廢武氏二陵見上卷元年量音良

太平公主為武攸暨請之也

為丁為翻

下各為同

辛酉更以西城為金仙公主隆昌為玉真公主

各為之造觀

金仙玉真二觀皆造於京城內輔興坊玉真觀本寶誕舊宅與金仙觀相對更工衡

翻逼奪民居甚多用功數百萬右散騎常侍魏知古黃

門侍郎李乂諫不聽

散悉豆翻騎奇寄翻

壬戌殿中監竇懷貞

為御史大夫同平章事 僧慧範恃太平公主執逼奪

民產御史大夫薛謙光與殿中侍御史慕容珣奏彈之

公主訴於上出謙光為岐州刺史

考異曰統紀曰監察御史慕容珣奏彈

西明寺僧慧範以其通宮人張氏張即太平公主乳母也侵奪百姓上以為御史當不避豪貴見公主出居蒲州乃敢彈射在日不言狀涉離間骨肉遂貶為宓州員外司馬今從舊傳 時遣使按察十

道

太宗貞觀十八年遣十七道巡察武后垂拱初亦嘗遣九道巡察天授二年又遣十道存撫使至是分為

十道按察使以庶按州郡二周年一替使疏吏翻

議者以山南所部闊遠乃分

為東西道又分隴右為河西道六月壬午又分天下置

汴齊充魏冀并蒲廊涇秦益縣遂荆岐通梁襄揚安閩

越洪潭二十四都督

武德元年改蜀郡為益州綿州漢涪縣地江左置巴西郡西魏曰潼

州隋開皇改綿州大業初廢州為金山郡唐武德初復曰綿州又武德二年置閬州於閬縣閬元十三年更閬

州為福州

各糾察所部刺史以下善惡惟洛及近畿州

廊音膚

不隸都督府

雍華同商岐幽為京畿洛汝為都畿

太子右庶子李景伯舍

人盧備等上言

備音甫

都督專殺生之柄權任太重或用

非其人為害不細今御史秩卑望重以時巡察奸宄自

禁

宄音軌

其後竟罷都督但置十道按察使而已

秋七

月癸巳追復上官昭容謚曰惠文

追復其昭容之職而加之以謚

乙

卯以高祖故宅枯柿復生赦天下

時詔以興聖寺是高祖舊宅有柿樹天授

中枯死至是重生大赦天下復扶又翻又如字

己巳以右御史大夫解琬為

朔方大總管琬考按三城戍兵

三城三受降城也解戶賈翻

奏減十

萬人 庚午以中書令韋安石為左僕射兼太子賓客

同中書門下三品太平公主以安石不附己故崇以虛

名實去其權也

去羌呂翻

九月庚辰以竇懷貞為侍中懷

貞每退朝必詣太平公主第

朝直遙翻

時修金仙玉真二觀

羣臣多諫懷貞獨勸成之身自督役時人謂懷貞前為

皇后阿奢

事見上卷中宗景龍二年奢正奢翻

今為公主邑司

唐公主有邑司今丞

掌其主家財貨出入田園徵封之事

考異曰睿宗實

錄云乙卯御史大夫竇懷貞為侍中太上皇實錄云庚

辰御史大夫同中書門下三品竇懷貞為侍中新紀新表乙

丑真公主邑司事舊紀已卯懷貞為侍中新紀新表乙

亥懷貞守侍中按是月癸酉朔無乙卯又懷貞以自督

修二觀之故時人語曰竇懷貞前為國奢今為公主邑

丞非真知邑司

冬十月甲辰上御承天門引韋安石

也今從舊紀

郭元振竇懷貞李日知張說宣制責以政教多闕水旱

為災府庫益竭僚吏日滋雖朕之薄德亦輔佐非才安



石可左僕射東都留守

守手入翻

元振可吏部尚書懷貞可

左御史大夫日知可戶部尚書說可左丞並罷政事以

吏部尚書劉幽求為侍中右散騎常侍魏知古為左散

騎常侍太子詹事崔湜為中書侍郎並同中書門下三

品中書侍郎陸象先同平章事皆太平公主之志也象

先清淨寡欲言論高遠為時人所重湜私侍太平公主

公主欲引以為相

相息亮翻

湜請與象先同升公主不可湜

曰然則湜亦不敢當公主乃為之并言於上

為于偽翻

上不

欲用湜公主涕泣以請乃從之

考異曰朝野僉載云湜妻美并二女皆得幸

於太子時人勝之曰託庸才於主第進艷婦於春宮今不取

右補闕辛替否上疏

以為自古失道破國亡家者口說不如身逢耳聞不如

目覩臣請以陛下所目覩者言之太宗皇帝陛下之祖

也撥亂反正

用太史公撥亂世返之正語意

開基立極官不虛授財無

枉費不多造寺觀而有福不多度僧尼而無災

觀古玩翻下同

尼女夷翻

天地垂祐風雨時若

若順也

粟帛充溢蠻夷率服享

國久長名高萬古陛下何不取而法之中宗皇帝陛下

之兄弃祖宗之業徇女子之意無能而祿者數千人無  
功而封者百餘家造寺不止費財貨者數百億度人無  
窮免租庸者數十萬所出日滋所入日寡奪百姓口中  
之食以養貪殘剝萬人體上之衣以塗土木于是人怨  
神怒衆叛親離水旱並臻公私俱罄享國不永禍及其  
身陛下何不懲而改之自頃以來水旱相繼無以霜蝗  
人無所食未聞賑恤

賑津  
忍翻

而為二女造觀用錢百萬餘

緡

指言金仙玉真  
二觀為于偽翻

陛下豈可不計當時府庫之蓄積有

幾中外之經費有幾而輕用百餘萬緡以供無用之役

乎陛下族韋氏之家而不去韋氏之惡

去羌呂翻

恐弃太宗

之法不忍弃中宗之政乎且陛下與太子當韋氏用事

之時日夕憂危切齒於羣兇

羣兇謂韋溫宗楚客等

今幸而除之

乃不改其所為臣恐復有切齒於陛下者也然則陛下

又何惡於羣兇而誅之

復扶又翻惡烏路翻

昔先帝之憐悖逆也

帝追廢安樂公主為悖逆庶人

故稱之悖蒲內翻又蒲沒翻

宗晉卿為之造第趙履

溫為之葺園

為于偽翻

殫國財竭人力第成不暇居園成不

暇遊而身為戮沒今之造觀崇侈者必非陛下公主之  
本意殆有宗趙之徒從而勸之不可不察也陛下不傳  
斯役臣恐人之愁怨不減前朝之時人人知其禍敗而  
口不敢言言則刑戮隨之矣韋月將燕欽融之徒先朝  
誅之陛下賞之豈非陛下知直言之有益於國乎臣今  
所言亦先朝之直也

朝直造  
翻下同

惟陛下察之上雖不能從

而嘉其切直 御史中丞和逢堯攝鴻臚卿使于突厥

臚陵如翻  
使疏吏翻

說默啜曰處密堅昆聞可汗結昏於唐皆當

歸附可汗何不襲唐冠帶使諸胡知之豈不美哉默啜

許諾明日襍頭衣紫衫南向再拜稱臣

襍頭紫衫唐三品已上之服也

襍頭起於後周便武事者也太宗時馬周上議以禮無服衫之文請加襴袖襍頭說輪為翻襍防玉翻衣於既

翻

遣其子楊我支及國相隨逢堯入朝十一月戊寅至

京師逢堯以奉使功遷戶部侍郎壬辰令天下百姓

二十五人軍五十五免十二月癸卯以興昔亡可汗

阿使那獻馬招慰十姓使上召天台山道士司馬承

禎

臨海記天台山超然秀出山有八重視之如一高一萬八千丈周回八百里人有飛泉垂流千仞時屬台

州唐興縣界我朝太祖建隆元年始改唐興縣為天台縣其山在今縣西二十餘里問以陰陽數

術對曰道者損之又損以至於無為安肯勞心以學術

數乎上曰理身無為則高矣如理國何對曰國猶身也

順物自然而心無所私則天下理矣上歎曰廣成之言

無以過也

廣成子居崆峒之上黃帝立下風而問道

承禎固請還山上許之

尚書左丞盧藏用指終南山

程大昌曰終南山橫亘關中南面西起秦隴東徹藍

田凡雍岐郿鄠長安萬年相去且八百里而連綿峙據其南者皆此山也毛公曰終南周之名山中南也中南

即終南也關中記曰言居天之中都之南也

謂承禎曰此中大有佳處何必

天台承禎曰以愚觀之此乃仕宦之捷徑耳藏用嘗隱終南則天時徵為左拾遺故承禎言之

玄宗至道大聖大明孝皇帝上之上

諱隆基睿宗第三子也此謚廣德元年所定

先天元年

是年八月方改元先天

春正月

考異曰新紀表壬辰以陸象先同中書門下

三品太上皇睿宗實錄舊紀皆無之不知新書何出今不取

辛巳睿宗祀南郊初因

諫議大夫賈曾議合祭天地

歐陽修曰古者祭天於圓丘在國之南祭地於澤中

之方丘在國之北所以順陰陽因高下以事天地以其類也而後世有合祭之文則天天冊萬歲元年親享南



郊始合祭天地至是曾議曰有虞氏禘黃帝而郊魯夏后氏禘黃帝而郊魯秋之與廟皆有禘也禘於廟則祖宗合食於太祖禘於郊則地祇羣望皆合食於圜丘以始祖配享蓋有事之大祭非常祭也三輔故事祭於圜丘上帝后土位皆南面則漢嘗合祭也時皆以曾言為然曾言忠之子也言忠見二百一卷高

宗總章元年

戊子幸滌東

水經注霸水北歷藍田川又左合滌水滌水逕長樂坡西是後

韋堅引為廣運潭在京師苑城之東北地入在滌水之東

耕藉田

藉在亦翻

己丑赦天下

改元太極

乙未上御安福門宴突厥楊我支以金山

公主示之既而會上傳位昏竟不成

以左御史大夫

竇懷貞戶部尚書岑義並同中書門下三品

二月

考

曰太上皇實錄云命皇太子送金山公主往并州令幽州都督裴懷古節度內發三萬兵赴黑山道并州長史薛訥節度內發四萬兵於汾州迎皇太子右御史大夫朔方大總管解琬節度內發二萬兵赴單于道太子既親征諸軍一事以上並取處分按以軍法從事它書皆無此事按太子送公主與突厥和親安用九萬兵又豈得謂之親征今不取

辛酉廢右御史臺

武后光宅元年改御史臺為肅政臺分左右神龍元

年為左右御史臺

蒲州刺史蕭至忠自託於太平公主引為

刑部尚書

考異曰舊傳及劉餗小說皆云自晉華州刺史入為尚書今從太上皇睿宗錄

刺史蔣欽緒其妹夫也謂之曰如子之才何憂不達勿

為非分妄求

分扶問翻

至忠不應欽緒退歎曰九代卿族一

舉滅之可哀也哉

引左傳衛太叔儀之言至忠蕭德言之曾孫故云然

至忠素有

雅望嘗自公主第門出遇宋璟璟曰非所望於蕭君也

至忠笑曰善乎宋生之言遽策馬而去幽州大都督

薛訥鎮幽州二十餘年

按武后聖歷元年薛訥方自藍田令擢為安東道經略

吏

民安之未嘗舉兵出塞虜亦不敢犯與燕州刺史李璡

有隙

武德六年自營州遷燕州於幽州城中燕因肩翻璡將鄰翻又即刃翻

璡毀之於劉

幽求幽求薦左羽林將軍孫佺代之

佺此緣翻

三月丁丑以

佺為幽州大都督徙訥為并州長史

夏五月益州獠

反

獠魯皓翻

戊寅上祭北郊

辛巳赦天下改元延和

六月丁未右散騎常侍武攸暨卒

卒子恤翻

追封定王上

以節愍太子之亂岑義有保護之功

節愍之難冉祖雍誣帝及太平與太

子連謀賴義與蕭至忠保護得免

癸丑以義為侍中

庚申幽州大都

督孫佺與奚酋李大酺戰于冷陁

貞觀中奚酋可度者內附由姓李後遂以

李為姓首慈秋翻酺音蒲陁音刑考異曰上皇錄云甲子今從睿宗錄

全軍覆沒是時佺

帥左驍衛將軍李楷洛左威衛將軍周以悌發兵二萬

騎八千分為三軍以襲奚契丹

師讀曰率驍堅堯翻騎奇寄翻契欺訖翻入音

喫將軍烏可利諫曰道險而天熱懸軍遠襲往必敗

曰薛訥在邊積年竟不能為國家復營州

營州陷見二百五卷武后

萬歲通天元年為于偽翻

今乘其無備往必有功使楷洛將騎四千

前驅遇奚騎八千楷洛戰不利佺怯懦不敢救

將即亮翻懦奴

卧翻又奴亂翻

引兵欲還虜乘之唐兵大敗佺阻山為方陳以

自固

陳諱曰陣

大酺使謂佺曰朝廷既與我和親今大軍何

為而來佺曰吾奉敕來招慰耳楷洛不稟節度輒與汝戰請斬以謝大酺曰若然國信安在佺悉斂軍中帛得

萬餘段并紫袍金帶魚袋以贈之

高宗永徽二年在京文武職事官五品已

上並給隨身魚袋天后垂拱二年諸州都督並準京官帶魚唐六典曰隨身魚符所以明貴賤應徵召其制左二右一太子以玉親王以金庶官以銅皆題云某位姓名並以袋盛其袋三品已上飾以金五品已上飾以銀

大酺曰請將軍南還勿相驚擾將士懼無復部伍

復扶又翻

又如

虜追擊之士卒皆潰佺以悌為虜所擒獻於突厥

默啜皆殺之楷洛可利脫歸 秋七月彗星出西方經

軒轅入太微至于大角 有相者謂同中書門下三品

竇懷貞曰公有刑厄

相息亮翻

懷貞懼請解官為安國寺奴

雍錄曰安國寺在朱雀街東第四街之長樂坊唐會要  
景雲元年勅捨潛龍舊宅為寺便以本封安國為名

敕聽解官乙亥復以懷貞為左僕射兼御史大夫平章

軍國重事

復扶又翻

太平公主使術者言於上曰彗所以

除舊布新又帝座及心前星皆有變

帝座在中宮華蓋之下心三星中星

為明堂天子位前星為太子  
慧祥歲翻又音歲又音遂

皇太子當為天子上曰傳

德避災吾志決矣太平公主及其黨皆力諫以為不可

上曰中宗之時羣姦用事天變屢臻朕時請中宗擇賢

子立之以應災異中宗不悅朕憂恐數日不食豈可在

彼則能勸之在已則不能邪太子聞之馳入見

見賢

自

投於地叩頭請曰臣以微功不次為嗣懼不克堪未審

陛下遽以大位傳之何也上曰社稷所以再安吾之所

以得天下皆汝力也今帝座有災故以授汝轉禍為福

汝何疑邪太子固辭上曰汝為孝子何必待柩前然後

即位邪

樞音  
舊

太子流泣而出壬辰制傳位於太子太子

上表固辭

上時  
掌翻

太平公主勸上雖傳位猶宜自總大政

上乃謂太子曰汝以天下事重欲朕兼理之邪昔舜禪



禹猶親巡狩

舜既禪禹南巡狩而崩於蒼梧引此為據也

朕雖傳位豈忘家

國其軍國大事當兼省之

省悉景翻錄全以為上皇之意

考異曰太上皇

云太子既為太平公主所構或唯遣皇帝知三品以下除授及徒罪其軍國大務并重刑獄上仍兼省之五日一受朝于太極殿今兩取之

八月庚子玄宗即位尊睿宗為太上皇

上皇自稱曰朕命曰誥五日一受朝於太極殿皇帝自

稱曰予命曰制敕日受朝於武德殿

朝直遙翻

三品以上除

授及大刑政決於上皇餘皆決於皇帝壬寅上大聖

天后尊號曰聖帝天后甲辰赦天下改元乙巳於

鄭州北置渤海軍

莫縣自漢以來屬涿郡唐屬瀛州景雲二年分置鄭州開元十三年復單

用莫

字 恒定州境置恒陽軍

杜祐曰恒陽軍在恒州城東恒戶登翻

媯蔚州

境置懷柔軍屯兵五萬

媯居為翻蔚紆勿翻

丙午立妃王氏為

皇后以后父仁皎為太僕卿仁皎下邳人也戊申立皇

子許昌王嗣直為郟王真定王嗣謙為郢王以劉幽

求為右僕射同中書門下三品魏知古為侍中崔湜為

檢校中書令

初河內人王琚預於王同皎之謀

謂中宗神

龍元年王同皎謀殺武三思也

亡命傭書於江都上之為太子也琚還

長安選補諸暨主簿

諸暨越王允常故都也  
自漢以下為縣屬會稽

過謝太子

琚至廷中故徐行高視宦者曰殿下在簾內琚曰何謂

殿下當今獨有太平公主耳

用范曄故智為此  
言以激發太子

太子遽

召見與語琚曰韋庶人弑逆人心不服誅之易耳

易以  
鼓翻

太平公主武后之子凶猾無比大臣多為之用琚竊憂

之太子引與同榻坐泣曰主上同氣唯有太平言之恐

傷主上之意不言為患日深為之奈何琚曰天子之孝

異於匹夫當以安宗廟社稷為事盖主漢昭帝之姊自

幼供養有罪猶誅之

事見漢紀蓋古盍翻供居用翻養羊尚翻

為天下者豈

顧小節太子悅曰君有何藝可以與寡人遊琚曰能飛

煉詠嘲

飛煉謂飛丹砂以鍊丹也舊書載琚之言

太子

乃奏為詹事府司直

唐六典詹事府司直掌彈劾宮寮糾舉職事

日與遊處

處昌呂翻累遷太子中舍人

唐六典曰太子中舍人本漢魏太子舍人也晉惠帝在儲宮以

舍人四人有文學才美者與中庶子共理文書至咸寧三年齊王攸為太傅遂加名為中舍人與中庶子共掌

禁令糾正違闕侍從左右及即位以為中書侍郎

考異曰鄭縻

開天傳信記云上於藩邸時每戲遊城南韋杜之間因逐狝免意樂忘返與其徒十數人倦甚休息於封部大

樹下適有書生延上過其家甚貧止於村妻一驢而已  
上坐未久書生殺驢拔蒜備饌酒肉霽霑上顧而奇之  
及與語磊落不凡問其姓名乃王琚也自是上每遊韋  
杜間必過琚家琚所諮議合上意上益親善焉及韋氏  
專制上憂甚獨密言於琚琚曰亂則殺之又何疑也上  
遂納琚之謀戡定禍難累拜為中書侍郎實預配享焉  
今從  
舊傳

是時宰相多太平公主之黨劉幽求與右羽林將  
軍張暉謀以羽林兵誅之使暉密言於上曰竇懷貞崔  
湜岑羲皆因公主得進日夜為謀不軌若不早圖一旦

事起太上皇何以得安請速誅之

考異曰舊傳云幽求自謂功在朝臣之

右志求左僕射兼領中書令俄而竇懷貞為左僕射崔  
湜為中書令幽求心甚不平形於言色乃與張暉請誅

之按幽求素盡心於玄宗湜等附太  
平非幽求因私忿而害之也今不取  
臣已與幽求定計

惟俟陛下之命上深以為然暉洩其謀於侍御史鄧光

賓上大懼遽列上其狀丙辰幽求下獄有司奏幽求等

離間骨肉罪當死上為言幽求有大功不可殺  
列上時掌翻下

遇嫁翻間古覓

癸亥流幽求于封州

封州漢廣信武陽縣地梁置成州隋

翻為于偽翻

改封州唐屬廣州都督府舊志封  
州去京師水陸四千五百一十里

張暉于峰州光賓于

繡州

舊志峰州隋交趾郡之嘉寧縣武德四年置峯州去京師七千七百一十里繡州去京師六千九百

里初崔湜為襄州刺史密與譙王重福通書重福遺之

金帶

遺于季翻

重福敗湜當死張說劉幽求營護得免既而

湜附太平公主與公主謀罷說政事以左丞分司東都

及幽求流封州湜諷廣州都督周利貞使殺之

封州屬廣州都

督桂州都督王暉知其謀留幽求不遣

暉子峻翻

利貞屢移

牒索之

索山客翻

暉不應利貞以聞湜屢逼暉使遣幽求幽

求謂暉曰公拒執政而保流人勢不能全徒仰累耳

累力

瑞翻固請詣廣州暉曰公所坐非可絕於朋友者也暉因

公獲罪無所恨竟逗遛不遣幽求由是得免九月丁

卯朔日有食之

辛卯立皇子嗣昇為陝王

陝失冉翻  
考異曰

睿宗實錄作甲申太子皇

錄作甲午今從玄宗實錄

嗣昇母楊氏士達之曾孫也

楊士達仕隋

官至納言

王后無子母養之

冬十月庚子上謁太

廟赦天下

癸卯上幸新豐獵於驪山之下

驪力  
知翻

辛

酉沙陀金山遣使入貢沙陀者處月之別種也姓朱邪

氏使疏吏翻種章勇翻邪音耶處月居金娑山之陽蒲

類之東有大磧名沙陀故號沙陀

考異曰薛居正

五代史後唐太祖紀曰太祖姓朱邪氏始祖拔野古貞觀中為墨離軍使太宗平薛延陀分同羅僕骨之人置沙陀都督府蓋北庭有磧曰沙陀因以名焉永徽中以拔野古為都督其後子孫五世相承曾祖盡忠貞元中



繼為沙陀府都督歐陽修五代史記曰李氏之先蓋出於西突厥本號朱邪至其後世別自號曰沙陀而以朱邪為姓拔野古為始祖其自敘云沙陀者北庭之裔也當唐太宗時破西突厥諸部分同羅僕骨之人於北碕置沙陀府而以其始祖拔野古為都督且傳子孫數世皆為沙陀都督故其後世因自號沙陀然予考于傳紀其說皆非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅為龜林都督府僕骨為金微都督府拔野古為幽陵都督府未嘗有沙陀府也當是時西突厥有鐵勒薛延陀阿史那之類為最大其別部有同羅僕骨拔野古以十數蓋其小者也又有處月處密諸部又其小者也朱邪者處月別部之號耳太宗二十二卷已降拔野古其明年阿史那賀魯叛至高宗永徽二年處月朱邪孤注從賀魯戰于牢山為契苾何力所敗遂沒不見後百五十六年當

憲宗時有朱邪盡忠及子執宜見于中國而自號沙陀以朱邪為姓矣蓋沙陀者大磧也在金娑山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至盡忠孫始賜姓李氏李氏後大而夷狄之人遂以沙陀為貴種云今從之

十一月乙酉奚契

丹二萬騎寇漁陽幽州都督宋璟閉城不出虜大掠而去上皇詔遣皇帝巡邊西自河隴東及燕薊選將練

卒

燕因肩翻薊音計將即亮翻

甲午以幽州都督宋璟為左軍大總

管并州長使薛訥為中軍大總管朔方大總管兵部尚

書郭元振為右軍大總管十二月刑部尚書李日知

請致仕日知在官不行捶撻而事集

捶止築翻下同

刑部有令

史受敕三日忘不行

忘平放翻

日知恕索杖集羣吏欲捶之

索山客翻

既而謂曰我欲捶汝天下人必謂汝能撻李日知

嗔

撻落蕭翻取動也嗔昌真翻

受李日知杖不得比於人妻子亦將

弃汝矣遂釋之吏皆感悅無敢犯者脫有稽失衆共謫之

開元元年

是年十二月方改元

春正月己亥誥衛士自今二

十五入軍五十免羽林飛騎並以衛士簡補

騎奇寄翻

以

吏部尚書蕭至忠為中書令

皇帝巡邊改期所募兵

各散遣約八月復集

復扶又翻

竟不成行

二月庚子夜開

門焚燈

按舊書嚴挺之傳先天二年正月望胡僧娑陀請夜開門燃十百燈

又追作去年

大酺

元年受內禪不及賜天下酺乃追為之酺音蒲

大合伎樂上皇與上御門

樓臨觀或以夜繼晝凡月餘

帝之侈心蓋已發露於此矣伎其綺翻

左拾

遺華陰嚴挺之上疏諫以為酺者因人所利合醵為歡

醵

其虐翻合

今乃損萬人之力營百戲之資非所以光

錢飲酒也

聖德美風化也乃止

初高麗既亡

高麗亡見二百一卷高宗總章元年

其別種大祚榮徙居營州及李盡忠反

李盡忠及見二百五卷武后萬

歲通天元年風俗通大姓大庭氏之後大款為顯帝師  
按禮記曰大連善居喪東夷之子也蓋東夷之有大姓

尚矣種

章勇翻 祚榮與靺鞨乞四北羽聚眾東走阻險自固

靺鞨

音末

曷 盡忠死武后使將軍李楷固討其餘黨楷固擊乞

四北羽斬之引兵踰天門嶺逼祚榮

新書天門嶺在吐護真河北三百里

祚榮逆戰楷固大敗僅以身免祚榮遂帥其眾東據東

牟山築城居之

東牟山在挹婁國界地直營州東二千里南北新羅以泥河為境東窮海西契

丹帥讀

曰率 祚榮驍勇善戰

驍堅克翻下同

高麗靺鞨之人稍稍歸

之地方二千里戶十餘萬勝兵數萬人

勝音升

自稱振國

王附于突厥時奚契丹皆叛道路阻絕武后不能討中

宗即位遣侍御史張行岌招慰之

岌魚反翻

祚榮遣子入侍

至是以祚榮為左驍衛大將軍渤海郡王以其所部為

忽汗州令祚榮兼都督

靺鞨自此盛矣始去靺鞨專號渤海

庚申勅以

嚴挺之忠直宣示百官厚賞之 三月辛巳皇后親蠶

舊制有皇后祀先蠶親桑之禮後周制皇后衣十二等採桑服鵝衣唐制皇后親蠶服鞠衣黃羅為之 考異

曰玄宗實錄脫此年二月三月事祀先蠶詔乃三月丁卯也而唐歷承其誤云正月辛巳皇后祀先蠶太上皇

錄云三月辛巳皇后親蠶自嗣聖光宅以來廢闕此禮至是重行太上皇睿宗實錄舊本紀皆云辛卯按制書

云以今月十八日祀先蠶是月甲子朔今從玄宗實錄

晉陵尉楊相如上疏言

時政其略曰煬帝自恃其彊不憂時政雖制敕交行而聲實舛謬言同堯舜迹如桀紂舉天下之大一擲而弃之又曰隋氏縱欲而亡太宗抑欲而昌願陛下詳擇之又曰人主莫不好忠正而惡佞邪

好呼到翻惡鳥路翻下同

然忠正

者常踈佞邪者常親以至於覆國危身而不寤者何哉誠由忠正者多忤意佞邪者多順指積忤生憎積順生愛此親踈之所以分也明主則不然愛其忤以收忠賢

惡其順以去佞邪

件五故翻去羌呂翻下除去同

則太宗太平之業將

何遠哉又曰夫法貴簡而能禁罰貴輕而必行陞下方

興宗至德大布新政請一切除去碎密不察小過小過

不察則無煩苛大罪不漏則止奸慝使簡而難犯寬而

能制則善矣上覽而善之先是修大明宮未畢

先悉薦翻

夏五月庚寅敕以農務方勤罷之以待閑月

閑月謂農功畢入之

後

六月丙辰以兵部尚書郭元振同中書門下三品

考異曰六月辛丑郭元振同三品下注曰舊紀在丙辰今從睿宗實錄余據考異則通鑑正文當改丙辰為



辛丑

太平公主依上皇之執擅權用事與上有隙宰相

七人五出其門

考異曰唐歷曰宰相有七四出其門天子孤立而無援新舊傳皆云宰相七

人五出主門下按是時竇懷貞蕭至忠岑義崔湜與主連謀其不附主者郭元振魏知古陸象先三人也薛稷太子少保不為宰相也者新舊傳并象先數之唐歷不數象先耳文武之臣大半附之

與竇懷貞岑義蕭至忠崔湜及太子少保薛稷雍州長

史新興王晉

雍於用翻

左羽林大將軍常元楷知右羽林將

軍事李慈左金吾將軍李欽中書舍人李猷右散騎常

侍賈膺福鴻臚卿唐駿及僧慧範等謀廢立

駿子又與

又與

宮人元氏謀于赤箭粉中寘毒進於上

陶弘景曰赤箭亦是芝類莖赤

如箭莖葉生其端根如人足又如芋魁有十二子為衛

其苗為粉久服益氣力長陰肥健輕身增年沈括曰赤

箭天麻苗也根則抽苗徑直而上苗則結子成熟而落

返從莖中而下至土而生赤箭則言苗用之有自夫入

裏之功天麻則言根用之有自內達外之理本草圖經

曰赤箭莖中空依半而上貼莖微有尖葉梢頭生成穗

開花結子如豆粒大其子至夏

不落却透虛人莖中潛生土內

晉德良之孫也

德良長

良之弟武德

初封新興王

元楷慈數往來主第相與結謀

數所

王琚

言于上曰事迫矣不可不速發左丞張說自東都遣人

遺上佩刀意欲上斷割

遺于季翻君臣之禮當言獻佩刀此因舊史成文失於改定耳

斷丁荆州長史崔日用入奏事言於上曰太平謀逆有

亂翻

日陛下往在東宮猶為臣子若欲討之須用謀力今既

光臨大寶但下一制書誰敢不從萬一奸宄得志悔之

何及上曰誠如卿言直恐驚動上皇日用曰天子之孝

在於安四海若奸人得志則社稷為墟安在其為孝乎

請先定北軍

北軍謂左右羽林左右萬騎也

後收逆黨則不驚動上皇

矣上以為然以日用為吏部侍郎秋七月魏知古告公

主欲以是月四日作亂

考異曰上皇錄云公主謀不利於上與今上更立皇子獨專

推期以是月七日作亂令上密知其事勒左右禁兵誅之按是月壬戌朔玄宗以三日甲子誅之今從玄宗錄

令元楷慈以羽林兵突入武德殿

時上於武德殿受羣臣朝故欲突入為變

懷貞至忠義等於南牙舉兵應之

西內以太極殿為正牙自北門言之曰南

牙上乃與岐王範薛王業郭元振及龍武將軍王毛仲

景雲初以左右萬騎與左右羽林為北門四軍置左右龍武將軍以領萬騎位從三品

殿中少監

姜皎太僕少卿李令問尚乘奉御王守一內給事高力

士

乘繩證翻內給事屬內侍省從五品下掌判省事元正冬至羣臣朝賀中官則出入宣傳凡宮人衣服費

用則具其品秩計其多少春秋二時宣送中書

果毅李守德等定計誅之皎謬

之曾孫

姜墓見一百八十四卷隋恭帝義寧元年

令問靖弟客師之孫

李客師亦

有戰功

守一仁皎之子力士潘州人也

潘州古西甌駱越地漢屬合浦郡界

江左置定川郡隋廢郡為縣唐武德四年置南宕州貞觀八年改潘州以潘水為名

甲子上因王

毛仲取閑廐馬及兵三百餘人自武德殿入虔化門

西內

太極殿北曰朱明門左曰虔化門右曰肅章門虔化之東曰武德西門門內則武德殿

召元措慈

先斬之禽膺福猷於內客省以出

四方館諫中書省故內客省在馬中書省

在太極門之右膺福猷皆中書省官也

執至忠義於朝堂

東西朝堂在承天門內分左右

朝直皆斬之

三日誅常元措今從睿宗上皇實錄唐歷

新舊本紀舊王琚傳琚與岐王範薛王業姜皎王毛仲等並預誅逆以鐵騎至承天門時睿宗聞鼓譟聲召郭元振升承天樓宣詔下關令侍御史任知古召募數百人於朝堂不得入頃間琚等從玄宗至樓上太上皇實錄公主期以是月七日令常元楷以羽林兵自北門入實懷貞等於南衙舉兵應之令上官知其事登時勒左右禁兵出北門召常元楷李慈即斬于闕下還至承天門執本義蕭至忠斬於朝堂舊蕭至忠傳曰至忠遽遁入山寺數日捕而伏誅蓋以太平公主事為至忠事今從玄宗實錄朝野僉載曰羽林將軍常元楷三家告密得官至先天二年七月三日楷以反逆誅家口配沒玄宗實錄云上誅凶逆睿宗恐宮中有變御承天門號令南衙兵士以備非常郭元振帥兵侍衛登樓奏曰皇帝前奉詔誅實懷貞等惟陛下勿憂睿宗大喜令擇其可信者懷貞逃入溝中自縊死戮其尸改姓曰毒

計縊於上

皇聞變登承天門樓郭元振奏皇帝前奉誥誅竇懷貞等無它也上尋至樓上上皇乃下詔罪狀懷貞等因赦天下惟逆人親黨不赦薛稷賜死于萬年獄乙丑上皇

誥自令軍國政刑一皆取皇帝處分

處昌呂翻分扶問  
翻考異曰舊本

紀云七月三日誅懷貞等睿宗明日下詔軍國政刑並取皇帝處分新本紀云乙丑始聽政唐歷亦無乙丑下誥唯玄宗實錄云朕方無為養志以遂素心是日徙居丙寅今從諸書

百福殿

唐六典曰兩儀殿之右曰宜秋門其內百福殿宜秋之右曰百福門

太平公主逃

入山寺三日乃出賜死于家

考異曰新傳云三日乃出太上皇實錄曰公主聞

難作遁入山寺數日方出禁錮終身公子諸子及黨與諸子皆伏誅今從新舊傳睿宗實錄

死者數十人薛崇簡以數諫其母被杖特免死數所賜

姓李官爵如故崇簡即崇暉籍公主家財貨山積珍物侔於

御府廐牧羊馬田園息錢收之數年不盡慧範家亦數

十萬緡改新興王晉之姓曰厲姓譜本自有厲姓漢有魏郡太守義陽侯厲溫

初上謀誅竇懷貞等召崔湜將託以心腹湜弟滌謂湜

曰主上有問勿有所隱湜不從懷貞等既誅湜與右丞

盧藏用俱坐私侍太平公主湜流賓州舊志賓州至京師水陸六千一



百二

藏用流瀧州

瀧閭江翻

新興王晉臨刑歎曰本為此謀

者崔湜今吾死湜生不亦冤乎會有司鞠宮人元氏元

氏引湜同謀進毒乃追賜死于荊州

舊志荊州京師東南一千七百三十

里薛稷之子伯陽以尚主免死流嶺南於道自殺初太

平公主與其黨謀廢立竇懷貞蕭至忠岑羲崔湜皆以

為然陸象先獨以為不可公主曰廢長立少

宋王成器長也長知

兩翻少

已為不順且又失德若之何不去

去羌呂翻

象先曰

既以功立當以罪廢

言上平內難有大功于天下國家無罪不可廢

今實無辜

象先終不敢從公主怒而去上既誅懷貞等召象先謂

曰歲寒知松柏信哉

論語孔子曰歲寒然後知松柏之後凋也

時窮治公主

枝黨當坐者衆象先密為申理所全甚多

治直之翻然為于偽翻

未嘗自言當時無知者百官素為公主所善及惡之者

惡鳥路翻

或黜或陟終歲不盡丁卯上御承天門樓赦天下

已巳賞功臣郭元振等官爵第舍金帛有差以高力士

為右監門將軍知內侍省事

監古銜翻

初太宗定制內侍省

不置三品官

內侍省內侍四人以久次一人知省事從四品上

黃衣廩食守門

傳命而已天后雖女主宦官亦不用事中宗時嬖倖猥

多宦官七品以上至千餘人然衣緋者尚寡

嬖卑義翻又博計翻

衣於既翻下同

上在藩邸力士傾心奉之

力士馮益曾孫也聖歷初嶺南討擊使李

千里上二閭兒曰金剛曰力士中人高延福養為子故冒高姓既壯為宮閹丞帝在藩力士傾心附結及

為太子奏為內給事至是以誅蕭岑功賞之是後宦官

稍增至三千餘人除三品將軍者浸多衣緋紫至千餘

人宦官之盛自此始

衣去聲

壬申遣益州長史畢構等

六人宣撫十道

乙亥以左丞張說為中書令

庚辰

中書侍郎同平章事陸象先罷為益州長史劍南按察

使

使疏吏翻

八月癸巳以封州流人劉幽求為左僕射平章

軍國大事 丙辰突厥可汗默啜遣其子楊我支來求

昏丁巳許以蜀王女南和縣主妻之

妻七細翻

中宗之崩也

同中書門下三品李嶠密表韋后請出相王諸子於外

相息亮翻

上即位於禁中得其表以示侍臣嶠時以特進致

仕或請誅之張說曰嶠雖不識逆順然為當時之謀則忠矣上然之九月壬戌以嶠子率更令暢為虔州刺史

唐六典曰漢率更令丞主庶子舍人更直職似光祿勳  
晉率更令掌宮殿門戶之禁郎將屯衛之士北齊率更  
令掌周衛禁防漏刻鍾鼓更工衛翻令嶠隨暢之官 庚午以劉幽求同

中書門下三品

丙戌復置右御史臺督察諸州

去年春廢

左御史臺復扶又翻

罷諸道按察使

使疏吏翻

冬十月辛卯引見京

畿縣令

唐京城兩赤縣為京縣畿內諸縣為畿縣京縣令正五品上畿縣令正六品下見賢通翻

戒

以歲飢惠養黎元之意

己亥上幸新豐癸卯講武於

驪山之下徵兵二十萬旌旗連亘五十餘里

亘古鄧翻

以軍

容不整坐兵部尚書郭元振於棗下將斬之劉幽求張

說詭於馬前諫曰元振有大功於社稷不可殺乃流新

州

舊志新州去京師  
五千五百二十里

斬給事中知禮儀事唐紹以其制

軍禮不肅故也上始欲立威亦無殺紹之意金吾衛將

軍李邕遽宣敕斬之上尋罷邕官廢棄終身時二大臣

得臯諸軍多震懾失次

懾之  
涉翻

惟左軍節度薛訥

時講武  
分左右

軍以訥為  
左軍節度

朔方道大總管解琬二軍不動上遣輕騎召

之皆不得入其陳

解戶買翻騎奇  
寄翻陳讀曰陣

上深歎美慰勉之甲

辰獵于渭川

此即新豐  
界之渭川

上欲以同州刺史姚元之為相

張說疾之使御史大夫趙彥昭彈之

彈徒丹翻

上不納又使

殿中監姜皎言於上曰陛下常欲擇河東總管而難其

人臣今得之矣上問為誰皎曰姚元之文武全才真其

人也上曰此張說之意也汝何得面欺罪當死皎叩頭

首服

首式又翻

上即遣中使召元之詣行在

使疏吏翻

既至上方

獵引見

見賢通翻

即拜兵部尚書同中書門下三品

考異曰世傳

升平源以為吳兢所撰云姚元崇初拒太平得罪上頗德之既誅太平方任元崇以相進拜同州刺史張說素不叶命趙彥昭彈之不許居無何上將獵于渭濱密召元崇會於行所初元崇聞上講武于驪山謂所親曰

準式車駕行幸三百里內刺史合朝覲元宗必為權臣所擠若何參軍李景初進曰某有兒母者其父即教坊長人內相公僚致厚賂使其冒法進狀可達公然之輒劾燕公說使姜皎入曰陛下久卜河東總管重難其人臣有所得何以見賞上曰誰邪如慚有萬金之賜乃曰馮翊太守姚崇文武全材即其人也上曰此張說意也卿罔上當誅皎首服萬死即詔中官追赴行在上方獵于渭濱公至拜馬首上曰卿頗知獵乎元宗曰臣少獵居廣成澤目不知書唯以射獵為事四十年方遇張憬藏謂臣當以文學備位將相無為自弃爾來折節讀書今雖官位過忝至于馳射老而猶能於是呼鷹放犬連稱旨上大悅上曰朕久不見卿思有顧問卿可於宰相行中行公行猶後上縱轡久之顧曰卿行何後公曰臣官疎賤不合參宰相行上曰可兵部尚書同平章事公不謝上顧訝焉至頓上命宰相臣坐公跪奏臣適奉作弼之詔而不謝欲以十事上獻有不可行臣不敢奉詔



上曰悉數之朕當量力而行然定可否公曰自垂拱已  
來朝廷以刑法理天下臣請聖政先仁義可乎上曰朕  
深心有望于公也又曰聖朝自喪師青海未有牽復之  
悔臣請三數十年不求邊功可乎上曰可入曰自太后  
臨朝以來喉舌之任或出于閹人之口臣請中官不預  
公事可乎上曰懷之久矣又曰武氏諸親猥侵清切權  
要之地繼以韋庶人安樂太平用事班序荒雜臣請國  
親不任臺省官凡有糾封待闕員外等官悉請停罷可  
乎上曰朕素志也又曰比來近密佞幸之徒冒犯憲網  
皆以寵免臣請行法可乎上曰朕切齒久矣又曰比因  
豪家戚里貢獻求媚延及公卿方鎮亦為之臣請除租  
庸賦稅之外悉杜塞之可乎上曰願行之又曰太后造  
福先寺中宗造聖善寺上皇造金仙玉真觀皆費鉅百  
萬耗蠹生靈凡寺觀宮殿臣請止絕建造可乎上曰朕  
每觀之心即不安而况敢為者哉又曰先朝褻狎大臣  
或虧君臣之敬臣請陛下接之以禮可乎上曰事誠當

然有何不可又曰自燕欽融韋月將獻直得罪由是諫臣沮色臣請凡在臣子皆得觸龍鱗犯忌諱可乎上曰朕非唯能容之亦能行之又曰呂氏產祿幾危西京馬實閭梁亦亂東漢萬古寒心國朝為甚臣請陛下書之于史冊永為殷鑒作萬代法可乎上乃潛然良久曰此事真可為刻肌刻骨者也公再拜曰此誠陛下致仁政之初是臣千載一遇之日臣敢當弼諧之地天下幸甚天下幸甚又再拜蹈舞稱萬歲者三從官千萬皆出涕上曰坐公坐于燕公之下燕公讓不敢坐上問對曰元崇是先朝舊臣合首坐公曰張說是紫微宮使今臣是客宰相不合首坐上曰可紫微宮使居首座果如所言則元崇進不以正又當時天下之事止此十條須因事啓沃豈一旦可邀似好事者為元之吏事明敏三為宰之依託莚名難以盡信今不取

相皆兼兵部尚書

姚崇始相武后後緣邊屯戍斥候士相睿宗今復為相

馬儲械無不默記上初即位勵精為治

治直之翻

每事訪於

元之元之應答如響同僚唯諾而已

唯于於翻

故上專委任

之元之請抑權倖愛爵賞納諫諍却貢獻不與羣臣褻

狎上皆納之

此即前所獻十事之二三也

乙巳車駕還京師

姚

元之嘗奏請序進郎吏

考異曰此出李德裕次柳氏舊聞不知郎吏為何官若郎中

員外郎則是清要官不得云秩卑恐是郎將又不敢必故仍用舊文

上仰視殿屋元之再

三言之終不應元之懼趨出罷朝高力士諫曰陛下新

總萬機宰臣奏事當面加可否奈何一不省察

朝直遙翻省悉

景上曰朕任元之以庶政大事當奏聞共議之郎吏卑

秩乃一一以煩朕邪會力士宣事至省中

唐世凡機事皆使內臣宣

旨于為元之道上語

為于偽翻

元之乃喜聞者皆服上識君

人之體左拾遺曲江張九齡

曲江縣漢屬桂陽郡江左置始興郡唐武德四年置

番州尋改東衡州貞觀元年改韶州

以元之有重望為上所信任奏記勸

其遠諂躁進純厚

遠于願翻躁則到翻

其略曰任人當才為政大

體與之共理無出此途而擲之用才非無知人之鑒其

所以失溺在緣情之舉

溺奴狄翻

又曰自君侯職相國之重

持用人之權而淺中弱植之徒已延頸企踵而至諂親戚以求譽媚賓客以取容其間豈不有才所失在於無耻元之嘉納其言新興王晉之誅也僚吏皆奔散惟司

功李撫步從

從才用翻唐制諸州功曹司功參軍事掌考課假使祭祀禮樂學校表疏書啓祿食

祥異醫藥卜筮陳設喪葬

不失在官之禮仍哭其尸姚元之聞之曰

藥布之儔也

藥布哭彭越

及為相擢為尚書郎 己酉以刑

部尚書趙彥昭為朔方道大總管 十一月乙丑劉幽

求兼侍中 辛巳羣臣上表請加尊號為開元神武皇

帝從之戊子受冊

上時掌翻

中書侍郎王琚為上所親厚

羣臣莫及每進見侍笑語逮夜方出或時休沐往往遣

中使召之或言於上曰王琚權譎縱橫之才

見賢遍翻使疏吏翻

譎古穴翻緇子容翻

可與之定禍亂難與之守承平上由是浸疎

之是月命琚兼御史大夫按行北邊諸軍

行下孟翻考異曰朝野

金載曰琚以諂諛自進未周年為中書侍郎其母氏聞之自洛赴京戒之曰汝徒以諂媚取容色交自達朝廷側目海內切齒吾恐汝家墳隴無人守之琚慙懼表請侍母上初大怒後許之按舊傳琚未嘗去官侍母今不取舊傳又云使琚按行天兵以北諸軍按五年始置天兵軍於并州蓋琚傳追言之耳

十二月

庚寅赦天下改元

開元

尚書左右僕射為左右丞相中

書省為紫微省門下省為黃門省侍中為監雍州為京

兆府洛州為河南府長史為尹司馬為少尹

隋以京守為牧武德

初因隋置牧以親王為之或不出閭以長史知府事至

是改為府升長史為尹從三品專總府事魏晉以下州

府皆有治中隋文帝改為司馬煬帝改為贊理又為丞

武德改為治中永徽避高宗名改為司馬至是改為少

尹從四品下  
甲午吐蕃遣其大臣來求和  
壬寅以

姚元之本名元崇武

姚元之兼紫微令元之避開元尊號復名崇

後長安四年命以字行今復  
舊名而省元字復扶又翻  
敕都督刺史都護將之

官皆引面辭畢側門取進止

東內有左右側門左右側門之外即金吾左右仗

姚崇既為相紫微令張說懼乃潛詣岐王申款

款誠也

它日崇對便殿行微蹇上問有足疾乎對曰臣有腹心

之疾非足疾也上問其故對曰岐王陛下愛弟張說為

輔臣而密乘車入王家恐為所誤故憂之癸丑說左遷

相州刺史

考異曰松憲雜錄姚崇為相忽一日對于便殿舉右足不甚輕利上曰卿有足疾邪崇

奏曰臣有腹心之疾非足疾也因前奏張說罪狀數百言上怒曰卿歸中書宜宣與御史中丞共按其事而說未之知會朱衣吏報午後三刻說乘馬先歸崇急呼御史中丞李林甫以前詔付之林甫語崇曰說多智謀是



必困之宜以劇地崇曰丞相得罪未宜太逼林甫又曰  
公必不忍即說當無害林甫止將詔付於小御史中路  
以馬墜告說未遭崇奏前旬月家有教授書生通于說  
侍兒最寵者會擒得姦狀以聞於說說怒甚將窮獄于  
京兆尹書生厲聲言曰覩色不能禁人之常情也公貴  
為宰相宜無緩急用人何靳靳於一婢女邪說奇其言  
而釋之兼以侍兒與歸書生跳跡去旬餘無所聞知忽  
一日直訪于說憂色滿面而言曰某感公之恩當有謝  
者久矣今聞公為姚相所構外獄將具公不之知危將  
至矣某願得公平生所寶者用計于九公主必能立釋  
之說因自歷指狀所寶者書生皆曰未足解公之難又  
疑思久之忽曰近有雞林郎夜明簾為寄信者書生曰  
吾事濟矣因請說手筆數行懇以情言遂急趨出連夜  
始及九公主邸第書生具以說言之兼用夜明簾為贄  
且謂主曰上獨不念在東宮時思必始終恩加於張丞  
相乎而今反用快不利張丞相者之心邪明早公主上

謁具為奏之上感動因急命高力士就御史臺宣前所  
按獄事並宜罷之書生迄亦不再見于張丞相也此說  
亦似出于好事者又元崇開元四年罷相  
林甫十四年始為御史中丞今從新傳

右僕射同中

書門下三品劉幽求亦罷為太子少保甲寅以黃門侍  
郎盧懷慎同紫微黃門平章事

資治通鑑卷二百十

謹案第五頁後七行加金飾刊本飾訛舛據新舊  
唐書輿服志改


第十九頁前七行凡雍岐郾鄆刊本雍訛維今改  
第二十五頁後四行掌彈劾宮寮刊本宮訛官據  
六典改

第二十七頁後三行官至納言刊本納訛訥據隋  
書百官志改

第二十八頁後一行在金娑山之陽刊本娑作莎

據本注上文及唐書沙陀傳改

第三十頁前四行在吐護真河北三百里按唐書  
契丹傳吐作土刊本訛上據唐書地理志改



總校官庶吉士臣侍朝

校對官檢討臣龔大萬

謄錄監生臣朱懷玉

欽定四庫全書薈要

史部

資治通鑑卷二百二十一



資治通鑑卷二百一十一 宋 司馬光 撰

胡三省 音註

唐紀二十七

起開元逢攝提格盡強  
圍大荒落凡四年

玄宗至道大聖大明孝皇帝上之中

開元二年春正月壬申制選京官有才識者除都督刺

史都督刺史有政迹者除京官

京官即在  
朝官也

使出入常均

永為恒式

恒戶  
登翻

己卯以盧懷慎檢校黃門監

去年改  
門下省

為黃門侍中為監檢校黃門監檢校侍中也

舊制雅俗之樂皆隸太常上

精曉音律以太常禮樂之司不應典倡優雜伎

倡音昌伎渠綺

翻下

乃更置左右教坊以教俗樂命右驍衛將軍范及

為之使

更工衛翻使疏吏翻

又選樂工數百人自教法曲於梨園

謂之皇帝梨園弟子

梨園在禁苑中注已見前

又教宮中使習之又

選伎女置宜春院

宜春院當在西內宜春門內近射殿

給賜其家禮部侍

郎張廷珪酸棗尉袁楚客皆上疏以為上春秋鼎盛宜

崇經術過端士尚樸素深以悅鄭聲好遊獵為戒

上時掌翻



疏所去翻  
好呼到翻

上雖不能用威嘉賞之

中宗以來貴戚爭

營佛寺奏度人為僧兼以偽妄富戶彊丁多削髮以避

徭役所在充滿姚崇上言佛圖澄不能存趙

石虎敬重  
佛圖澄

死而鳩摩羅什不能存秦

姚興師鳩摩羅  
什興死而秦亡

齊襄梁武未

免禍殃但使蒼生安樂即是福身何用妄度姦人使壞

正法

樂音洛  
壞音怪

上從之丙寅命有司沙汰天下僧尼

尼女  
夷翻

以偽妄還俗者萬二千餘人初營州都督治柳城以

鎮撫奚契丹則天之世都督趙文翹失政奚契丹攻陷

之見二百五卷武后萬歲通天元年契丹訖翻又音喫喫呼會翻是後寄治幽州東漁

陽城據舊書漁陽城在幽州東二百里或言靺鞨奚霫大欲降唐止以

唐不建營州無所依投為默啜所侵擾故且附之靺鞨音末

曷霫而立翻降戶江翻吸陟劣翻若唐復建營州則相帥歸化矣復扶又翻

帥讀并州長史和戎大武等軍州節度大使薛訥信之

曰率大武軍在代州北後改奏請擊契丹復置營州上亦以

冷陁之役欲討契丹冷陁敗見上羣臣姚崇等多諫甲

申以訥同紫微黃門三品將兵擊契丹將即亮翻羣臣乃不

敢言 薛王業之舅王仙童侵暴百姓御史彈奏業為

之請

彈徒丹翻  
為于偽翻

敕紫微黃門覆按姚崇盧懷慎等奏仙

童臯狀明白御史所言無所枉不可縱捨上從之由是

貴戚束手 二月庚寅朔太史奏太陽應虧不虧姚崇

表賀請書之史冊從之 乙未突厥可汗默啜遣其子

同俄特勒及妹夫火拔頡利發

厥九勿翻可從刊入聲  
汗音寒頡戶結翻考

異曰舊郭虔瓘傳云默啜塔今從舊突厥傳及唐歷舊  
虔瓘傳作移江可汗突厥傳作移涅可汗今從唐紀

石阿失畢將兵圍北庭都護府都護郭虔瓘擊破之

阿鳥

葛翻將即亮  
翻敗補邁翻

同俄單騎逼城下虔瓘伏壯士於道側突

起斬之

騎奇寄翻

突厥請悉軍中資糧以贖同俄聞其已死

慟哭而去

丁未敕自今所在毋得創建佛寺舊寺頽

壞應葺者詣有司陳牒檢視然後聽之 閏月以鴻臚

少卿朔方軍副大總管王晙兼安北大都護朔方道行

軍大總管令豐安定遠三受降城及旁側諸軍皆受晙

節度

靈州界有豐安定遠等軍在黃河外武德四年分  
豐州迴樂縣置豐安縣貞觀十三年省入迴樂杜

佑曰豐安軍在靈武西黃河外百八十里定遠軍在  
靈武東北二百里黃河外臚陵如翻晙子峻翻降戶江

翻徙大都護府於中受降城

杜祐曰安北府東至榆林三百五十里南至朔方八

百里西至九原三百五十里北至回紇界七百里

置兵屯田

丁卯復置十道

按察使

罷十道按察使見上卷上  
年復扶又翻使疏吏翻

以溢州長史陸象先

等為之

長知兩翻

上思徐有功用法平直乙亥以其子大

理司直倫為恭陵令

倫力述翻入力尹翻  
恭陵孝敬皇帝陵

實孝謹之子

光祿卿幽公希瑊等請以已官爵讓倫以報其德

實孝謹事

見二百五卷武后長壽二年  
年諡氏壬翻瑊古咸翻

由是倫累遷申王府司馬

唐制

大理司直從六品上親王府司馬從四品下

丙子申王成義請以其府錄

事閤楚珪為其府參軍

唐親王府錄事從九品上流外官也參軍正七品上

上

許之姚崇盧懷慎上言先嘗得旨云王公駙馬有所

奏請非墨敕皆勿行

引近旨以寢格其請

臣竊以量材授官當歸

有司

量音良

若緣親故之恩得以官爵為惠踵習近事

近事

謂中宗廟濫官之弊

實紊紀綱

紊音問

事遂寢由是請謁不行

突

厥石阿失畢既失同俄不敢歸癸未與其妻來奔以為

右衛大將軍封燕北郡王

燕因肩翻

命其妻曰金山公主

或告太子少保劉幽求太子詹事鍾紹京有怨望語下

紫微省按問幽求等不服姚崇盧懷慎薛訥言於上曰

幽求等皆功臣乍就閑職微有沮喪

下遐嫁翻沮在人呂翻喪息浪翻

人

情或然功業既大榮寵亦深一朝下獄恐驚遠聽戊子

貶幽求為睦州刺史紹京為果州刺史

果州漢安漢縣地宋於安漢故

城置南宕渠郡隋廢郡改安漢縣曰南充縣屬隆州武

德四年置果州舊志睦州京師東南三千六百五十九

里果州至京師二千五百五十八里

考異曰幽求傳

曰姚崇素嫉忌之乃奏言幽求鬱快於散職兼有怨言

貶授睦州刺史紹京傳曰姚崇素惡紹京之為人

紫微

因奏紹京發言怨望左遷綿州刺史今從實錄

侍郎王琚行邊軍未還

去年遣王琚按行北邊諸軍行下孟翻還從宣翻又如字

亦

坐幽求黨貶澤州刺史

澤州京師東北一千三十里

敕涪州刺史

周利貞等十三人皆天后時酷吏

周利貞裴諶張柄正張思敬王承本劉暉

楊允康暉封珣行張知默衛遂忠公孫瑛鍾思廉等凡十三人涪音浮

比周興等情狀差

輕宜放歸草澤終身勿齒

西突厥十姓酋長都擔叛

三月己亥磧西節度使阿史那獻克碎葉等鎮擒斬都

擔降其部落二萬餘帳

厥九勿翻酋慈由翻長知兩翻擔都甘翻磧七迹翻降戶江翻

考異曰實錄此月云獻擒賊帥都擔六月梟都擔首蓋此月奏擒之六月傳首方至耳實錄此月又云以西域二萬餘帳內附六月云擒其部落五萬餘帳

御史



丞姜晦以宗楚客等改中宗遺詔

事見二百九卷  
睿宗景雲元年

青州

刺史韋安石太子賓客韋嗣立刑部尚書趙彥昭特進

致仕李嶠於時同為宰相不能匡正令監察御史郭震

彈之

監古街翻  
彈徒丹翻

且言彥昭拜巫趙氏為姑蒙婦人服與

妻乘車詣其家甲辰貶安石為洺州別駕嗣立為岳州

別駕彥昭為袁州別駕

舊志岳州京師東南二千二百  
二十七里袁州京師東南三千

五百八十里河陽宛

翻考異曰彥昭

嶠為滁州別駕

傳曰姚崇素惡彥昭之為人今從實錄

嶠為滁州別駕

滁州漢全椒縣地江左為南北二譙州及新昌郡隋改  
南譙州曰滁州舊志滁州京師東南二千五百六十四

里除音除

安石至河州晦又奏安石嘗檢校定陵

定陵中宗陵

盜

隱官物下州徵賦

下還嫁翻

安石歎曰此祇應須我死耳憤

恚而卒

志於避翻卒子恤翻

晦皎之弟也

毀天樞

造天樞見二百五卷武后

延載元年

發匠銘其鐵錢歷月不盡先是韋后亦於天街作

石臺高數丈以頌功德

天街即京城朱雀街先惠薦翻高古疏翻

至是并毀

之夏四月辛巳突厥可汗默啜復遣使求昏

復扶又翻使疏

吏翻自稱乾和永清太駙馬天上得果報天男突厥聖天

骨咄祿可汗

天男猶云天子也咄當沒翻

五月己丑以歲飢悉罷

員外試檢校官

員外官一也試官二也檢校官三也罷之以其冗濫日廢俸廩也

自今

非有戰功及別敕毋得注擬

此三項官今後非有戰功及別敕特行錄用吏兵部

毋得注擬

已酉吐蕃相坐達延

吐從暇入聲相息亮翻坐蒲煩翻

遺宰相

書

遺于季翻

請先遣解琬至河源正二國封疆然後結盟琬

嘗為朔方大總管故吐蕃請之前此琬以金紫光祿大

夫致仕復召拜左散騎常侍而遣之

復扶又翻入如字

又命宰

相復坐達延書招懷之琬上言吐蕃必陰懷叛計請預

屯兵十萬於秦渭等州以備之

史言解琬所言其識遠過崔漢衡上時掌翻

黃門監魏知古本起小吏因姚崇引薦以至同為相

崇意輕之請知古攝吏部尚書知東都選事遣吏部尚

書宋璟於門下過官

唐制凡文武職事官六品以下吏兵部連擬必過門下省量其階資

校其才用以審定之若擬職不當隨其優屈退而量焉謂之過官選須絹翻

知古銜之崇二

子分司東都恃其父有德於知古頗招權請託知古歸

悉以聞它日上從容問崇

從千容翻

卿子才性何如今何官

也崇揣知上意

揣初委翻

對曰臣有三子兩在東都為人多

欲而不謹是必以事干魏知古臣未及問之耳上始以

崇必為其子隱

為子  
偽翻

及聞崇奏喜問卿安從知之對曰

知古微時臣卵而翼之

左傳楚子西謂白公勝曰勝如卵余翼而長之

臣子愚

以為知古必德臣容其為非故敢干之耳上于是以崇

為無私而薄知古負崇欲斥之崇固請曰臣子無狀撓

陛下法

撓奴巧翻  
入奴教翻

陛下赦其辜已幸矣苟因臣遂知古

天下必以陛下為私於臣累聖政矣

累力  
瑞翻

上久乃許之

辛亥知古罷為工部尚書

考異曰舊知古傳二年還京上屢有顧問恩意甚厚尋

改紫微令姚崇深忌憚之陰加譏毀乃除工部尚書罷知政事新傳亦云由貴門監改紫微令今據實錄知古

自黃門監罷政事其所以罷從柳氏舊聞

宋王成器申王成義於上兄也

岐王範薛王業上之弟也幽王守禮上之從兄也

從才用翻

上素友愛近世帝王莫能及初即位為長枕大被與兄

弟同寢諸王每旦朝於側門

朝直逢翻下同

退則相從宴飲闕

雞擊毬或獵於近郊遊賞別墅中使存問相望於道

對承

與翻使疏吏翻下同

上聽朝罷多從諸王遊在禁中拜跪如家人

禮飲食起居相與同之於殿中設五幄與諸王更處其

中

更工衛翻下吏奏同處昌呂翻

或講論賦詩間以飲酒博奕遊獵

問古

覓翻下  
說問同

或自執絲竹成器善笛範善琵琶與上更奏之

諸王或有疾上為之終日不食終夜不寢業嘗疾上方

臨朝須臾之間使者十返上親為業煮藥

為于偽翻

回飭吹

火誤藝上須左右驚救之上曰但使王飲此藥而愈須

何足惜

藝如悅翻  
須與鬚同

成器尤恭慎未嘗議及時政與人交

結上愈信重之故讒間之言無自而入然專以聲色畜

養娛樂之

畜吁王翻  
樂音洛

不任以職事羣臣以成器等地逼

請循故事出刺外州六月丁巳以宋王成器兼岐州刺

史舊制岐州京師西三百一十五里

申王成義兼虢州刺史

考異曰實錄舊傳

作幽州今從

幽王守禮兼虢州刺史

虢州西至京師四百三十里

令

唐歷舊紀

到官但領大綱自餘州務皆委上佐主之

上佐長史司馬也

是

後諸王為都護都督刺史者並準此

丙寅吐蕃使其

宰相尚飲藏來獻盟書

尚吐蕃之貴姓也

上以風俗奢靡秋

七月乙未制乘輿服御金銀器玩宜令有司銷毀以供

軍國之用其珠玉錦繡焚于殿前

乘繩證翻

后妃以下皆毋

得服珠玉錦繡戍戍敕百官所服帶及酒器馬銜銍

銍都



鄧翻鞍  
銓也

三品以上聽飾以玉四品以金五品以銀自餘

皆禁之婦人服飾從其夫子

夫子者夫  
若子也

其舊成錦繡聽

染為皂自今天下更毋得采珠玉織錦繡等物違者杖

一百工人減一等

唐法杖一百決臀杖二  
十減一等則杖八十

罷兩京織錦

坊

臣光曰明皇之始欲為治

治直  
吏翻

能自刻厲節儉如此

晚節猶以奢敗甚哉奢靡之易以溺人也詩云靡不

有初鮮克有終

詩蕩之辭易以  
政翻鮮息淺翻

可不慎哉

薛訥與左監門衛將軍杜賓客定州刺史崔宣道等將

兵六萬

監古衙翻將即亮翻  
兵二萬僉載云八萬人皆沒今從唐紀

考異曰舊傳云

出檀州

擊契丹賓客以為士卒盛夏負戈甲齎資糧深入寇境

難以成功訥曰盛夏草肥羔犢孳息

小羊曰羔小牛曰犢  
孳孳津之翻生也

因糧於敵正得天時一舉滅虜不可失也行至灤水山

峽中

薊州雄武軍東北行百二十里至鹽  
城守捉又東北渡灤河灤落官翻

契丹伏兵遮

其前後從山上擊之唐兵大敗死者什八九訥與數十

騎突圍得免虜中嗤之謂之薛婆

俗謂婦人之老曰婆  
言薛訥老怯如老婦

人崔宣道將後軍聞訥敗亦走訥歸罪於宣道及胡將

李思敬等八人

將即亮翻

制悉斬之於幽州庚子敕免訥死

削除其官爵獨赦杜賓客之罪壬寅以北庭都護郭

虔瓘為涼州刺史河西諸軍州節度使

使疏吏翻

果州刺

史鍾紹京心怨望數上疏妄陳休咎

數所角翻

乙巳貶漆州

刺史

漆側詵翻

丁未房州刺史襄王重茂薨輟朝三日追

謚曰殤皇帝

以韋氏所立故仍謚曰皇帝重直龍翻朝直遙翻

戊申禁百官

家毋得與僧尼道士往還壬子禁人間鑄佛寫經宋

王成器等請獻興慶坊宅為離宮甲寅制許之始作興

慶宮

興慶宮後謂之南內在皇城中南距京城之東直東內之南自東內達南內有夾城複道經通化門

達南內人主往來兩宮外人莫知之

仍各賜成器等宅環於宮側

寧王岐王在安

興坊薛王宅在勝業坊二坊相連皆在興慶宮西寧王即宋王也環音宦

又於宮西南置樓

題其西曰花萼相輝之樓南曰勤政務本之樓上或登

樓聞王奏樂則召升樓同宴或幸其所居盡歡賞賚優

渥乙卯以岐王範兼絳州刺史薛王業兼同州刺史

考異曰實錄云八月乙卯據長歷八月丙辰朔實錄自此以下脫少今取唐歷舊本紀補之仍敕宋

王以下每季二人入朝

朝直遙翻

周而復始

民間訛言上

采擇女子以充掖庭

掖音亦

上聞之八月乙丑令有司具

車牛於崇明門

唐六典大明宮紫宸殿內朝正殿也殿之南面紫宸門紫宸門之左曰崇明門

右曰光順門

自選後宮無用者載還其家敕曰燕寢之內尚

令罷遣閭閻之間足可知悉 乙亥吐蕃將竺達延乞

力徐帥衆十萬寇臨洮軍蘭州至于渭源

果如解琬之言岷州溢樂

縣古臨洮縣義寧二年更名渭源漢隴西之首陽縣也後魏分隴西置渭源郡又改首陽為渭源縣唐以縣屬渭州將即亮翻全蒲頓翻掠取牧馬命薛訥白衣攝左帥讀曰率下同洮土刀翻

羽林將軍為隴右防禦使

薛訥以滌河之敗削除官爵故命以白衣攝官出隴右使

疏吏翻下同

以右驍衛將軍常樂郭知運為副使

常樂漢廣至縣地曹

魏分廣至置宜禾縣李嵩於此置涼興郡隋置常樂鎮武德五年改鎮為縣屬瓜州驍堅堯翻樂音洛

與

太僕少卿王峻帥兵擊之辛巳大募勇士詣河隴就訥

教習初鄯州都督楊矩以九曲之地與吐蕃

事見上卷睿宗景雲

元年鄯時戰翻又音善

其地肥饒吐蕃就之畜牧

畜吁玉翻

因以入寇

矩悔懼自殺乙酉太子賓客薛謙光獻武后所製豫

州鼎銘

武后鑄九州鼎自製銘

其末云上玄降鑒方建隆基

通典載豫

州鼎銘曰犧農首出軒昊應期唐虞繼踵湯武以為上  
乘時天下光宅域內雍熙上玄降鑒方建隆基以為上  
受命之符姚崇表賀且請宣示史官頒告中外

臣光曰日食不驗太史之過也而君臣相賀是誣天  
也采偶然之文以為符命小臣之諂也而宰相因而  
實之是侮其君也上誣於天下侮其君以明皇之明  
姚崇之賢猶不免於是豈不惜哉

九月戊申上幸驪山溫湯敕以歲稔傷農令諸州修

常平倉法

太宗時置義倉及常平倉以備凶荒高宗以  
後稍假以給他費至神龍中畧盡至是復置

之江嶺淮浙劔南地下濕不堪貯積不在此例

貯丁呂翻

突厥可汗默啜衰老昏虐愈甚壬子葛邏祿等部落詣

凉州降

邏邸佐翻降戶江翻

冬十月吐蕃復寇渭源

復扶又翻

丙辰

上下詔欲親征發兵十餘萬人馬四萬匹戊午上還

宮甲子薛訥與吐蕃戰于武街

水經注武街城在漢狄道縣東白石山西

北唐為武街驛與大來谷皆屬臨洮渭源縣界劉昫曰武街驛在渭州西界

大破之時太僕

少卿隴右羣牧使王駿帥所部二千人與訥會擊吐蕃

坐達延將吐蕃兵十萬屯大來谷駿選勇士七白衣胡



服夜襲之

暖子峻翻帥讀曰率全蒲頻翻將即亮翻衣於既翻

多置鼓角於其後

五里前軍遇敵大呼後人鳴鼓角以應之虜以為大軍

至驚懼自相殺傷死者萬計訥時在武街去大來谷二

十里虜軍塞其中間

呼大故翻塞悉則翻

暖復夜出襲之虜大潰

始得與訥軍合追奔至洮水復戰于長城堡

秦築長城起臨洮因

以名堡復扶又翻

又敗之

敗補邁翻

前後殺獲數萬人豐安軍使王

海賓戰死

使疏吏翻

戊辰姚崇盧懷慎等奏頃者吐蕃以河

為境神龍中尚公主遂踰河築城置獨山九曲兩軍

即楊

矩所與九曲之地也去積石三百里又於河上造橋今吐蕃既叛

宜毀橋拔城從之以王海賓之子忠嗣為朝散大夫尚

輦奉御朝直遙翻散悉宜翻養之宮中己巳突厥可汗默啜又

遣使求昏上許以來歲迎公主突厥十姓胡祿屋等

諸部詣北庭請降此西突厥也降戶江翻下同命都護郭虔瓘撫存

之乙酉命左驍衛郎將尉遲瓌使于吐蕃宣慰金城

公主吐蕃遣其大臣宗俄因牙至洮水請和用敵國禮

駢堅亮翻將即亮翻尉紆勿翻使疏吏翻洮土刀翻上不許自是連歲犯邊異口考

唐歷四年七月丁丑吐蕃以去年之敗遣其大臣宗俄因牙欽塞請和自恃兵強求敵國之禮天子忿之按自此至四年非去年也既云以敗請和又何得云自恃兵強既云天子忿之又當年八月已許其和今從舊傳

十一月辛卯葬殤皇帝 丙申遣左散騎常侍解琬

詣北庭宣慰突厥降者隨便宜區處

處昌呂翻

十二月壬

戌沙陀金山入朝 甲子置隴右節度大使須嗣鄒奉

河渭蘭臨武洮岷郭疊宕十二州

須當作領嗣字衍奉當作秦郭當作廓臨

州本漢隴西之狄道地晉置武始郡隋廢郡復為狄道縣屬蘭州天寶三載始分置臨州新舊志皆云然據此則已置臨州久矣武州古白馬之地漢武帝開置武都郡西魏改曰石門縣置武州宕州後魏宕昌羌之地後

周置宕昌郡天和元年置宕州以隴右防禦副使郭知鄆時戰翻又音善宕徒浪翻

運為之乙丑立皇子嗣真為鄆王

考異曰實錄於此作鄆王於後作

鄆王今從舊傳

余詳考新舊二史

嗣真是年與嗣初

嗣玄同封然嗣真實帝之第四子非長子也長子乃嗣

直也次子則嗣謙也先天元嗣初為鄆王嗣主為鄆王

年封嗣直鄆王嗣謙鄆王嗣主當辛巳立鄆王嗣謙為皇太子嗣真上之長子母

作嗣玄曰劉華妃劉華妃鄆王嗣直之母若鄆嗣謙次子也母

曰趙麗妃帝置惠妃麗妃華麗妃以倡進有寵于上故

立之以母寵而立其子母寵衰則子愛弛矣為後廢太子張本倡音昌

是歲置幽州

節度經略鎮守大使領幽易平檀媯燕六州

媯居為翻燕因肩翻

突騎施可汗守忠之弟遮弩恨所分部落少於其兄

遂叛入突厥請為鄉導以伐守忠

騎奇寄翻少始

紹翻鄉讀曰嚮默啜

遣兵二萬擊守忠虜之而還

還從宣翻又如字

考異

按實錄娑葛既為十四姓可汗自後無娑葛名但屢云

突騎施守忠入朝或者守忠即娑葛賜名邪景雲以後

守忠猶在又開元二年六月阿史那獻奏有龍見于北

庭為鎮將妻馮言之曰突厥施娑葛三年後破散默啜

八年後自滅然則娑葛於時尚

謂遮弩曰汝叛其兄何

有於我遂并殺之

書此以戒兄弟日尋干戈而假手於他人以逞其志者

三年春正月癸卯以盧懷慎檢校吏部尚書兼黃門監

懷慎清謹儉素不營資產雖貴為卿相所得俸賜隨散

親舊

俸芳用翻

妻子不免飢寒所居不蔽風雨姚崇嘗有子

喪

喪息浪翻

謁告十餘日政事委積懷慎不能決惶恐入謝

於上上曰朕以天下事委姚崇以卿坐鎮雅俗耳崇既

出須臾裁決俱盡頗有得色顧謂紫微舍人齊澣曰予

為相可比何人澣未對崇曰何如管晏澣曰管晏之法

雖不能施於後猶能沒身公所為法隨復更之似不及

也

復扶又翻更工衡翻觀姚崇之所以問齊薈之所以對皆揣已以方人欲不失其實今之好議論者當大

臣得權之時則譽之為伊傅周召為大臣者安受之而不愧失權之後則詆之為王莽董卓李林甫楊國忠為大臣者亦受之而不得以自明則今日之諂我者乃它日之毀我者也

崇曰然則竟如何薈

曰公可謂救時之相耳崇喜投筆曰救時之相豈易得

乎懷慎與崇同為相自以才不及崇每事推之

易以鼓翻推吐

雷翻又如字

時人謂之伴食宰相

臣光曰昔鮑叔之於管仲子皮之於子產皆位居其

上能知其賢而下之授以國政孔子美之

管仲請囚於魯鮑叔

受之以歸言于桓公曰管夷吾治于高傒使相可也桓公用之遂霸諸侯鄭子皮當國授子產政子產辭子皮曰虎帥以聽政孰敢不聽遂授以政鄭國大治下邳稼翻

曹參自謂不及蕭何

一遵其法無所變更漢業以成

事見十二卷漢惠帝二年更工街翻

夫

不肖用事為其僚者愛身保祿而從之不顧國家之安危是誠罪人也賢智用事為其僚者愚惑以亂其治專固以分其權媚嫉以毀其功復戾以竊其名是亦臯人也

治直吏翻媚音胃復弼力翻

崇唐之賢相懷慎與之同

心勑力以濟明皇太平之政夫何臯哉秦誓曰如有



一个臣斷斷猗無它技

斷丁亂翻猗於綺翻又於宜翻技渠綺翻下同

其心

休休焉其如有容人之有技若已有之人之彥聖其

心好之

好呼到翻

不啻如自其口出寔能容之以保我子

孫黎民亦職有利哉懷慎之謂矣

御史大夫宋璟坐監朝堂杖人杖輕貶睦州刺史

監古衙翻

朝直遙翻

突厥十姓降者前後萬餘帳高麗莫離支文簡

十姓之壻也二月與跌跌都督思泰等亦自突厥帥衆

來降

麗力知翻跌奚結翻跌徒結翻帥讀曰率

考異

日實錄二年九月壬子葛邏祿車鼻施失鉢羅侯

斤等十二人詣涼州內屬乙卯胡祿屋闕及首領等一千三百十一人來降十月庚辰胡祿二萬帳詣北庭內屬明年正月突厥葛邏祿下首領裴羅達干來降二月突厥十姓部落左廂五咄陸咄右廂五弩失畢俟斤等相繼內屬前後二千餘帳三月突厥支副忌等來朝詔曰胡祿屋大首領之匄忌四月三姓葛邏祿率衆歸國五月詔葛邏祿胡屋鼠尼施等又云宜令北庭都護湯嘉惠與葛邏祿胡屋等相應安西都護呂休璟與鼠尼施相應又云及新來十姓大首領計會犄角唐厯九月云胡祿屋闕吸十月云胡祿屋二萬帳新傳前云胡祿屋後云胡屋按十姓有胡祿居闕吸鼠尼施處半吸諸書名號雖各參差要之葛邏祿胡祿屋鼠尼施為三姓必矣然胡祿屋以二萬帳而云十姓內屬前後二千餘帳參差難據今從舊傳余考新舊史時默吸既破突騎施不能撫安西突厥十姓故來制皆以河南地處之降而高文簡則默吸之子塔也

呂

三月胡祿屋酋長支訇忌等入朝上以十姓降者

浸多夏四月庚申以右羽林大將軍薛訥為涼州鎮大

總管赤水等軍並受節度居涼州

涼州有赤水軍本赤烏鎮有赤青泉因名

之幅員五千一百八十里軍之最大者也

左衛大將軍郭虔瓘為朔州鎮大

總管和戎等軍並受節度居并州

朔州蜀本作朔川新紀亦然

勒兵

以備默啞默啞發兵擊葛邏祿胡祿屋鼠尼施等屢破

之葛邏祿本突厥諸族在北庭西北金山之西有三族一謀落二熾俟三踏實力當東西突厥間後稍南徙

自號三姓葉護暹郎佐翻尼女夷翻

敕北庭都護湯嘉惠左散騎常侍解

琬等發兵救之五月壬辰敕嘉惠等與葛邏祿胡祿屋鼠尼施及定邊道大總管阿史那獻互相應援 山東

大蝗民或於田旁焚香膜拜設祭而不敢殺姚崇奏遣

御史督州縣捕而瘞之

膜莫胡翻膜拜胡禮拜也瘞於計翻 考異曰舊傳開元四年

山東蝗大起崇奏請捕瘞按本紀三年六月山東諸州大蝗姚崇奏差御史下諸道促官吏遣人驅撲焚瘞從之是歲田收有獲人不甚飢四年又云是夏山東河南河北蝗蟲大起遣使分捕而瘞之又實錄今年十一月制以問者河南河北災蝗水潦明年正月辛未以右丞倪若水為汴州刺史五月敕曰今年蝗暴乃是孽生所由官司不早除遏信蟲成長看食田苗不恤人災自為身計何若信其拘忌不有指麾則山東之苗掃地俱盡

然則三年有蝗崇令討捕不能盡明年又有蝗也今從本紀

議者以為蝗衆多除不

可盡上亦疑之崇曰今蝗滿山東河南北之人流亡殆盡豈可坐視食苗曾不救乎借使除之不盡猶勝養以成災上乃從之盧懷慎以為殺蝗太多恐傷和氣崇曰

昔楚莊吞蛭而愈疾

賈誼書曰楚王食寒蕒而得蛭因遂吞之腹有疾而不能食令尹人

問疾曰吾食道而得蛭不行其罪是法廢而威不立也謹而誅之恐監食者皆死遂吞之令尹曰天道無親唯德是輔王有仁德疾不為傷王疾果愈蛭之日翻

孫叔殺蛇而致福

說苑孫叔故為兒時

出遊見兩頭蛇殺而埋之還家而哭母問其故曰見兩頭蛇恐死母曰蛇安在曰聞見兩頭蛇者死恐人復見

已殺而埋之矣母曰毋憂汝不死矣吾聞有陰德者天必報以福

柰何不忍於蝗而忍

人之飢死乎若使殺蝗有禍崇請當之 秋七月庚辰

朔日有食之上謂宰相曰朕每讀書有所疑滯無從

質問可選儒學之士日使入內侍讀盧懷慎薦太常卿

馬懷素九月戊寅以懷素為左散騎常侍使與右散騎

常侍褚無量更日侍讀

更工衡翻

每至閤門令乘肩輿以進

或在別館道遠聽于宮中乘馬親送迎之待以師傅之

禮以無量羸老特為之造腰輿

羸倫為翻腰輿今人舉之適與腰平為于偽翻

在內殿令內侍昇之

昇羊茹翻

九姓思結都督磨散等來

降已未悉除官遣還

西南蠻寇邊遣右驍衛將軍李

玄道發戎瀘夔巴梁鳳等州兵三萬人

戎州本犍為郡梁置戎州瀘音

盧并舊屯兵討之

壬戌以涼州大總管薛訥為朔方

道行軍大總管太僕卿呂延祚霸州刺史杜賓客副之

以討突厥

甲子上幸鳳泉湯

唐六典岐州郿縣有鳳凰湯

十一月

乙卯還京師 劉幽求自杭州刺史徙郴州刺史

郴州漢郴

縣地為桂陽郡治所隋平陳置郴州郴州丑林翻

憤恚

恚於避翻 甲申卒于道

卒子恤翻

丁酉以左羽林大將軍郭虔瓘兼安西大都護四鎮經

略大使虔瓘請自募關中兵萬人詣安西討擊皆給遞

馱及熟食

遞馱者沿路遞發馬牛驢馱運兵器什物也唐六典曰驢載曰馱每馱一百斤其脚直一

百里一百文山阪處一百二十文驢少處不得過一百五十文平易處不得下八十文其有人負處兩人分一馱又給熟食欲其速敕許之將作大匠韋湊上疏以為

達安西馱徒何翻

今西域服從雖或時有小盜竊舊鎮兵足以制之關中

常宜充實以彊幹弱枝自頃西北二虜寇邊凡在丁壯

征行略盡豈宜更募驍勇遠資荒服

驍堅堯翻

又一萬征人



行六十餘里咸給遞馱熟食道次州縣將何以供秦隴

之西戶口漸少涼州已往沙磧悠然

少詩沿翻下同磧七迹翻下同

遣

彼居人如何取濟縱令必克其獲幾何儻稽天誅毋乃

甚損請計所用所得校其多少則知利害昔唐堯之代

兼愛夷夏中外乂安漢武窮兵遠征雖多克獲而中國

疲耗

唐堯協和萬邦韋湊所謂兼愛夷夏也漢武事見漢紀夏戶雅翻

今論帝王之盛

德者皆歸唐堯不歸漢武況邀功不成者復何足比議

乎時姚崇亦以虔瓘之策為不然既而虔瓘卒無功

扶復

又翻卒  
子恤翻

初監察御史張孝嵩奉使廓州

監古街翻使  
疏吏翻下同

還陳磧西利害請往察其形勢上許之聽以便宜從事

拔汗那者古烏孫也內附歲久吐蕃與大食共立阿了

達為王發兵攻之拔汗那王兵敗奔安西求救孝嵩謂

都護呂休璟曰不救則無以號令西域遂帥旁側戎落

兵萬餘人出龜茲西數千里下數百城

璟俱永翻帥讀  
曰率龜茲音丘

慈下選  
嫁翻

長驅而進是月攻阿了達于連城孝嵩自擐甲

督士卒急攻自己至酉屠其三城俘斬千餘級阿了達

與數騎逃入山谷

擢音宦騎奇字翻

孝嵩傳檄諸國威振西域

大食康居大宛罽賓等八國皆遣使請降

罽音計

會有言

其賊汚者坐繫涼州獄貶靈州兵曹參軍

兵曹參軍即司兵參軍是

後復用孝嵩為都護著名西域

京兆尹崔日知貪暴不法御史大夫

李傑將糾之日知反構傑罪十二月侍御史楊瑒廷奏

曰若糾彈之司使奸人得而恐惕

瑒雉杏翻人音暢惕呼葛翻

則御

史臺可廢矣上遽命傑視事如故貶日知為歙縣丞

歙縣

漢屬丹陽郡縣南有歙浦因以為名唐帝歙州歙書涉翻

或上言按察使徒煩擾

公私

考異曰開元宰臣奏云李伯等不知伯何人也今去其名

請精簡刺史縣令

傳按察使上命召尚書省官議之姚崇以為今止擇十

使猶患未盡得人況天下三百餘州縣多數倍安得刺

史縣令皆稱其職乎

稱尺證翻下不稱同

乃止

尚書左丞韋玠

玠方貧翻

奏郎官多不舉職請沙汰改授它官玠尋出為刺

史宰相奏擬冀州敕改小州姚崇奏言臺郎寬怠及不

稱職玠請沙汰乃是奉公臺郎甫爾改官玠即貶黜於

外議者皆謂郎官謗傷臣恐後來左右丞指以為戒則

省事何從而舉矣

省事謂尚書省之事也

伏望聖慈詳察使當官

者無所疑憚乃除冀州刺史突騎施守忠既死默啜

兵還守忠部將蘇祿鳩集餘衆為之酋長

騎奇寄翻將即亮翻酋慈

由翻長知兩翻

蘇祿頗善綏撫十姓部落稍稍歸之有衆二十

萬遂據有西方尋遣使入見

使疏吏翻下同見賢遍翻

是歲以蘇祿

為左羽林大將軍金方道經略大使

西方屬金故曰金方道

皇

后妹夫尚衣奉御長孫昕以細故與御史大夫李傑不

協殿中省有尚食尚藥尚衣尚舍尚乘尚輦六局各有奉御二人尚衣奉御掌供天子衣服詳其制度辨其

名數而供其進御

四年春正月昕與其妹夫楊仙玉於里巷伺傑而毆之

伺相吏翻歐烏口翻

傑上表自訴曰髮膚見毀雖則痛身冠冕被

陵誠為辱國上大怒命於朝堂杖殺以謝百僚

上時掌翻被皮

義翻朝直達翻

仍以敕書慰傑曰昕等朕之密戚不能訓導使

陵犯衣冠雖寘以極刑未足謝罪卿宜以剛腸疾惡勿

以凶人介意丁亥宋王成器更名憲申王成義更名

撝二王以成字犯昭成皇

乙酉隴右節度使郭虔瓘

奏奴石良才等八人皆有戰功請除游擊將軍

唐制游擊將軍

從五品下敕下

下選嫁翻

盧懷慎等奏曰郭虔瓘恃其微效輒侮

彛章為奴請五品

為于偽翻

實亂綱紀不可許上從之丙

午以鄆王嗣真為安北大都護安撫河東關內隴右諸

蕃大使

據新舊書此亦鄆王嗣真以為鄆王嗣真誤也而新舊書以安北為安西亦誤使疏吏翻

以

安北大都護張知運為之副陝王嗣昇為安西大都護

安撫河西四鎮諸蕃大使以安西都護郭虔瓘為之副

陝失冉翻

二王皆不出閭諸王遙領節度自此始

二月丙

辰上幸驪山溫湯 吐蕃圍松州 丁卯上還宮 辛

未以尚書右丞倪若水為汴州刺史兼河南採訪使

唐會

要開元二十二年二月十九日初置十道採訪處置使據此則先置採訪使二十二年始置採訪處置使也舊

志汴州京師東一上雖欲重都督刺史選京官才望者

千三百五十里

為之然當時士大夫猶輕外任揚州採訪使班景倩入

為大理少卿過大梁

唐汴州治浚儀縣古之大梁也

若水餞之行立望

其行塵久之乃返謂官屬曰班生此行何異登仙 癸

酉松州都督孫仁獻襲擊吐蕃於城下大破之上嘗



遣宦官請江南取鵠鵠鵠鵠等

鵠居有翻鵠容盈翻鵠鵠似鳬而大脚高毛冠

水鳥也爾雅曰鵠鵠陸佃新義曰鵠鵠聞視不流其

睛交據汧出不流所謂鵠鵠旋目者也爾雅翼鵠似鳬

而脰高有毛冠江東人養以厭大災又謂之交精精目

精也其目精交也陸龜蒙曰鵠鵠黑襟青脰丹爪蜀色

幾及項鵠苦奚翻鵠恥力翻鵠鵠亦水鳥也毛有五色

陸佃埤雅曰鵠鵠五色尾有毛如船施小予鵠性食短

狐在山澤中無復毒氣故淮賦云鵠鵠尋邪而逐害此

鳥蓋溪中之物邪逐害者故以名云陳昭裕建州圖經

曰鵠鵠于水渚宿老少若有勅令也亦欲置苑中使者

有浮游雄者左雌者右羣伍皆有式度

所至煩擾道過汴州倪若水上言今農桑方急而羅捕

禽鳥以供園池之翫遠自江嶺水陸傳送食以梁肉

張傳

應翻食道路觀者豈不以陛下賤人而貴鳥乎陛下方

祥吏翻

當以鳳皇為凡鳥麒麟為凡獸况鵠鵲鸛鵒曷足貴也  
上手敕謝若水賜帛四十段縱散其鳥 山東蝗復大

起

復扶姚

崇又命捕之倪若水謂蝗乃天災非人力所

及宜修德以禳之

禳如羊翻

劉聰時常捕埋之為害益甚拒

御史不從其命崇牒若水曰劉聰偽主德不勝妖今日

聖朝妖不勝德

妖於喬翻朝直遙翻

古之良守

守手又翻

蝗不入境若

其修德可免彼豈無德致然若水乃不敢違夏五月甲

辰勅委使者詳察州縣捕蝗勤惰者各以名聞由是連

歲蝗災不至大飢 或言於上曰今歲選叙大濫

選須絹翻

下典縣令非才及入謝上悉召縣令於宣政殿庭

大明宮正

殿曰含元殿其北曰宣政殿

試以理人策惟鄆城令韋濟詞理第一

鄆城古縣漢屬濟陰郡後漢為兗州治所晉屬濮陽郡唐帶濮州鄆古據翻

擢為醴泉令

自紫

縣推為次赤縣也

餘二百餘人不入第且令之官

百當作十

四十五

人放歸學問吏部侍郎盧從愿左遷豫州刺史李朝隱

左遷滑州刺史

舊志滑州去京師一千四百四十里朝直遙翻考異曰韋濟傳云問安人策

一道今從唐歷盧從愿傳曰上盡召新授縣令一時於  
殿庭策試考人下第者一切放歸學問唐歷試在四月  
從愿朝隱貶在五月朝隱傳云四年春以授縣非其人  
貶今從唐歷又韋濟傳曰時有人密奏上曰今歲吏部  
選叙大濫縣令非才全不簡擇及縣令謝官日引入殿  
庭問安人策試者一百餘人獨濟策第一或有不書紙  
者推濟為醴泉令二十餘人還舊官從愿典選六年與  
四十五人放歸習讀今亦從唐歷

朝隱皆名稱職

史以從愿朝隱為稱職則或言為非矣稱人證翻

初高宗之世

馬載裴行儉在吏部最有名時人稱吏部前有馬裴後

有盧李濟嗣立之子也

韋嗣立思謙之子長安中為相

有番人上言

海南多珠翠奇寶

海南謂林邑扶南真臘諸國也上時常翻

可往營致因言

市舶之利

船音白

又欲往師子國

師子國天竺旁國也居西南海中舊無人民止

有鬼神及龍居之諸國商賈來共市易鬼神不見其形但出珍寶顯其所堪價商賈依價取之其地和適無冬夏之異諸國人聞其土樂因此競至或有求靈藥及善

停住者遂成大國能馴養師子因以名國

求靈藥及善

醫之嫗寘之宮掖

嫗威遇翻掖音亦

上命監察御史楊範臣與

番人偕往求之範臣從容奏曰陛下前年焚珠玉錦繡示不復用今所求者何以異於所焚者乎彼市舶與商

賈爭利殆非王者之體

從千容翻復扶又翻賈音古

番藥之性中國

多不能知況於胡嫗宜宜寘之宮掖夫御史天子耳目

之官必有軍國大事臣雖觸冒炎瘴死不敢辭此特邊人眩惑求媚無益聖德竊恐非陛下之意願熟思之上遽自引咎慰諭而罷之 六月癸亥上皇崩于百福殿

年五十五 考異曰睿宗玄宗實錄皆曰甲子按下云已巳睿宗一七齋度萬安公主為女道士今從舊本紀 歷唐已巳以上女萬安公主為女官欲以追福 癸酉拔

曳固斬突厥可汗默啜首來獻時默啜北擊拔曳固大

破之於獨樂水

樂音洛

恃勝輕歸不復設備遇拔曳固迸

卒頡質略自柳林突出斬之

兵敗潰散士卒迸走故曰迸卒復扶入翻迸此孟翻

時大武軍子將郝靈荃奉使在突厥

子將小將也唐令制每軍大將一人

別奏八人僚十六人副二人分掌軍務奏僚減大將半

判官二人典四人總管四人二主左右虞候二主左右

押衙僚各五人子將八人資其分

行陣料金鼓及部署僚各二人

頡質畧以其首歸之

考異曰唐歷倕固今從實錄唐歷又云靈荃引

特勒回紇部落斬默啜于毒樂河今從舊傳舊傳云入

蕃使郝靈儉今從唐歷又新舊紀皆云六月癸酉斬默

啜唐歷亦在六月玄宗實錄七月戊寅詔書與降附突

厥云乘其衰弱早就剪除其能捉

獲默啜者已立賞格蓋未奏到耳與偕詣闕懸其首於

廣街拔曳固回紇同羅霄僕固五部皆來降置於大武

軍北默啜之子小可汗立骨咄祿之子闕特勒擊殺之

骨咄祿即骨篤祿默啜之兄也永及默啜諸子親信畧  
淳二年反天授二年死默啜代立

盡立其兄右賢王默棘連是為毗伽可汗國人謂之小

殺毗伽以國固讓闕特勒不受乃以為左賢王

專典兵馬秋七月壬辰太常博士陳貞節蘇獻以太

廟七室已滿請遷中宗神主於別廟奉睿宗神主祔太

廟從之又奏遷昭成皇后祔睿宗室肅明皇后留祀於

儀坤廟肅明皇后睿宗之元妃也昭成后次妃也以生  
帝升祔睿宗而肅明后祀於別廟非禮也儀坤

廟見上卷八月乙巳立中宗廟於太廟之西辛未契  
景雲二年



丹李失活奚李大酺帥所部來降

武后萬歲通天時奚契丹叛帝即位之後

孫佺薛訥相繼喪師兩蕃不敢乘勝憑陵中國乃相帥來降中國之勢安強有以服其心故也酺音蒲帥請曰

率降戶江

制以失活為松漠郡王行金吾大將軍兼松

朔下同

漠都督因其八部落酋長拜為刺史

貞觀末以契丹達稽部為峭落州統

便部為彈汗州獨活部為無逢州芬間部為羽陵州突

便州為日連州芮奚部為徒河州陞斤部為萬丹州伏

部為匹黎赤山二州并松漠府凡八

部十州今復以其酋長各為刺史

又以將軍薛泰督

軍鎮撫之大酺為饒樂郡王行金吾大將軍兼饒樂都

督失活盡忠之從父弟也

李盡忠即萬歲通天叛者樂音洛從才用翻

吐

蕃復請和

復扶又翻下祿復多復必復無復同

上許之

突厥默啜既死

奚契丹拔曳固等諸部皆內附突騎施蘇祿復自立為

可汗突厥部落多離散毗伽可汗患之乃召默啜時牙

官瞰欲谷以為謀主瞰欲谷年七十餘

瞰乃昆翻

多智略國

人信服之突厥降戶處河曲者

北河之曲處昌呂翻

聞毗伽立多

復叛歸之并州長史王暉上言此屬徒以其國喪亂

喪息

浪翻故相帥來降若彼安寧必復叛去今置之河曲此屬

桀黠實難制御往往不受軍州約束興兵剽掠

點戶入翻剽匹

妙翻聞其逃者已多與虜聲問往來通傳委曲乃是畜養

此屬使為間諜

畜吁王翻  
問古覓翻

日月滋久奸詐逾深窺伺邊

隙將成大患虜騎南牧必為內應

伺相吏翻  
騎奇寄翻

來逼軍州

表裏受敵雖有韓彭不能取勝矣願以秋冬之交大集

兵衆諭以利害給其資糧徙之內地二十年外漸變舊

俗皆成勁兵雖一時暫勞然永久安靖此者守邊將吏

及出境使人多為諛辭皆非實事

此毗至翻  
將即亮翻

或云北虜

破滅或云降戶妥帖皆欲自銜其功非能盡忠徇國願

察斯利口

孔子曰惡利口之覆邦家者

勿忘遠慮議者必曰國家

時已嘗寘降戶於河曲皆獲安寧

謂貞觀時也

今何所疑此

則事同時異不可不察邇者頡利既亡降者無復異心

故得久安無變今北敵尚存

謂默啜雖死毗伽又立也

此屬或畏其

威或懷其惠或其親屬豈樂南來較之彼時固不侔矣

彼時謂貞觀之時樂音洛

以臣愚慮徙之內地上也多屯士馬大為

之備華夷相參人勞費廣次也正如今日下也願審茲

三策擇利而行縱使因徙逃亡得者皆為唐有若留至

河水恐必有變疏奏未報降戶跌跌思泰阿悉爛等果

叛冬十月甲辰命朔方大總管薛訥發兵追討之王峻

引并州兵西濟河晝夜兼行追擊叛者破之斬獲三千

級先是單于副都護張知運悉收降戶兵仗

先悉薦翻

令度

河而南降戶怨怒御史中丞姜晦為巡邊使

使疏吏翻

降戶

訴無弓矢不得射獵晦悉還之降戶得之遂叛張知運

不設備與之戰于青剛嶺

青剛嶺在慶州方渠縣北靈州之南

為虜所擒

欲送突厥至綏州境將軍郭知運以朔方兵邀擊之大

破其衆於黑山呼延谷虜釋張知運而去上以張知運

喪師斬之以徇毗伽可汗既得思泰等欲南入為寇瞰

欲谷曰唐主英武民和年豐未有間隙不可動也

喪息浪翻

間古覓翻我衆新集力尚疲羸且當息養數年始可觀變而

舉毗伽又欲築城并立寺觀

羸倫為翻寺觀古玩翻

瞰欲谷曰不

可突厥人徒稀少

少詩沼翻

不及唐家百分之一所以能與

為敵者正以逐水草居處無常

處昌呂翻

射獵為業人皆習

武彊則進兵抄掠弱則竄伏山林唐兵雖多無所施用

若築城而居變更舊俗

更工衙翻

一朝失利必為所滅釋老

之法教人仁弱非用武爭勝之術不可崇也毗伽乃止

庚午葬大聖皇帝于橋陵

橋陵在同州蒲城縣三十里是歲改蒲城縣為奉先

縣屬京兆尹

廟號睿宗御史大夫李傑護橋陵作判官王旭

犯賊傑按之反為所構左遷衢州刺史

衢州漢新安太末之地晉改新

安為信安改太末為龍丘屬東陽郡唐武德四年分置衢州衢州京師東南四千七百十三里

十一

月己卯黃門監盧懷慎疾亟上表薦宋璟李傑李明隱

盧從愿並明時重器所坐者小所弃者大望垂矜錄上

深納之乙未薨

考異曰鄭處誨明皇雜錄云懷慎為黃門監吏部尚書卧病既久宋璟盧從愿

相與訪焉懷慎常器重二人持一人手謂曰公出入為

藩輔主上求治甚切然享國歲久近者稍倦于勤必有

人乘此而進矣君其志之按懷慎初為吏部時璟貶睦

州及卒璟猶未歸從愿未嘗入相又四年未為享國歲

久今家無餘蓄惟一老蒼頭請自鬻以辦喪事

史言盧懷慎之

不服

奴異乎

人奴

丙申以尚書左丞源乾曜為黃門侍郎同平

章事姚崇無居第寓居罔極寺以病告

唐會要神龍元年太

平公主為天后立罔極寺於大寧坊開元二十年改為興唐寺

病失康翻瘧疾也上遣使問飲

食起居狀日數十輩

使疏吏翻

源乾曜奏事或稱旨上輒曰



此必姚崇之謀也或不稱旨輒曰何不與姚崇議之

尺稱

證翻乾曜常謝實然每有大事上常令乾曜就寺問崇癸

卯乾曜請遷崇於四方館

四方館屬中書省

仍聽家人入侍疾

上許之崇以四方館有簿書非病者所宜處固辭上曰

設四方館為官吏也使卿居之為社稷也

處昌呂翻為于偽翻

恨

不可使卿居禁中耳此何足辭崇子光祿少卿彛宗正

少卿昇廣通賓客頗受饋遺為時所譏

道于季翻

主書趙誨

為崇所親信

唐中書省有主書四人從七品上

受番人賂事覺上親鞫

問下獄當死崇復營救

下退嫁翻復扶又翻

上由是不悅會曲赦

京城敕特標誨名杖之一百流嶺南

考異曰朝野僉載紫微舍人倪若

水職至八百貫因諸王內宴姚元崇諷之曰倪舍人正直百司嫉之欲成事何不為上言之諸王入衆共救之遂釋一無所問主書趙誨受蕃餉一刀子或直六七百錢元崇宣敕處死後有降崇乃劾曰別救處死者決一百配流大理決趙誨一百不死夜遣給使繼殺之劾蓋批字也今從舊傳崇由是憂懼數請

避相位

數所角翻

薦廣州都督宋璟自代十月上將幸東

都以璟為刑部尚書西京留守

璟俱永翻守式又翻

令馳驛詣闕

遣內侍將軍楊思勗迎之

按舊書楊思勗傳時為內常侍右監門衛將軍內侍內侍

省官之長內常侍則為之貳者也  
內侍從四品下內常侍正五品上  
璟風度凝遠人莫測

其際在塗竟不與思勗交言思勗素貴幸歸訴于上上  
嗟歎良久益重璟  
丙辰上幸驪山溫湯乙丑還宮

閏月己亥姚崇罷為開府儀同三司源乾曜罷為京兆

尹西京留守

守手又翻

以刑部尚書宋璟守吏部尚書兼黃

門監紫微侍郎蘇頲同平章事

頲他鼎翻

璟為相務在擇人

隨材授任使百官各稱其職

稱尺證翻

刑賞無私敢犯顏直

諫上甚敬憚之雖不合意亦曲從之突厥默啜自則天

世為中國患朝廷肝食

朝直遙翻肝古按翻

傾天下之力不能克

郝靈荃得其首自謂不世之功璟以天子好武功恐好

事者競生心微倖

好呼到翻微功堯翻

痛抑其賞逾年始授郎將

靈荃慟哭而死

郝靈荃因人以為功授以郎將非抑之也將即亮翻

璟與蘇頲相

得甚厚頲遇事多讓於璟璟每論事則頲為之助璟嘗

謂人曰吾與蘇氏父子皆同居相府僕射寬厚誠為國

器

僕射謂蘇頲也

然獻可替否吏事精敏則黃門過其父矣

按舊

書蘇頲傳頲以紫微侍郎同紫微黃門平章事

姚宋相繼為相崇善應變成務

璟善守法持正二人志操不同然協心輔佐使賦役寬  
平刑罰清省百姓富庶唐世賢相前稱房杜後稱姚宋  
它人莫得比焉二人每進見上輒為之起去則臨軒送  
之

見賢通翻輒  
為于偽翻

及李林甫為相雖寵任過於姚宋然禮

遇殊卑薄矣

史終  
言之

紫微舍人高仲舒博通典籍齊澣練

習時務姚宋每坐二人以質所疑既而歎曰欲知古問  
高君欲知今問齊君可以無闕政矣 辛丑罷十道按

察使

開元二年復  
置按察使

舊制六品以下官皆委尚書省奏

擬是歲始制員外郎御史起居遺補不擬

員外郎御史起居遺補皆

臺省要官由人主親除不由尚書奏擬按唐制員外郎從六品侍御史起居郎亦從六品補闕七品拾遺及監

察御史則

八品耳

五年春正月癸卯太廟四室壞上素服避正殿時上將

幸東都

舊志東都至西京八百五十里

以問宋璟蘇頲對曰陛下三年

之制未終

去年六月睿宗崩故云然

遽爾行幸恐未契天心災異為

戒願且停車駕又問姚崇對曰太廟屋材皆符堅時物

歲久朽腐而壞適與行期相會何足異也

言不足以為災異

且

王者以四海為家陛下以關中不稔幸東都百司供擬

已備不可失信但應遷神主于太極殿更修太廟

更工衡翻

如期自行耳上大喜從之賜崇絹二百匹己酉上行享

禮於太極殿命姚崇五日一朝仍入閣供奉

入閣供奉者應內殿

朝參立于供奉班中姚崇舊相也蓋立于供奉班首朝直遙翻

恩禮更厚有大政輒訪

焉右散騎常侍褚無量上言隋文帝富有天下遷都之

日豈取苻氏舊材以立太廟乎此特諛臣之言耳願陛

下克謹天戒納忠諫遠諂諛

褚無量之言諛言也上時掌翻遠于願翻

上弗

聽辛亥行幸東都過崤谷道隘不治

崤谷在陝州硤石縣

上欲免

河南尹及知頓使官

車駕行幸有知頓使使疏吏翻

宋璟諫曰陛下方

事巡幸今以此罪二臣臣恐將來民受其弊上遽命釋

之璟曰陛下罪之以臣言而免之是臣代陛下受德也

請令待罪朝堂而後赦之

朝直遙翻

上從之

考異曰寶錄五月己巳以李

朝隱為河南尹宋璟傳云上次永寧之崤谷馳道隘狹車騎停擁河南尹李朝隱知頓使王怡失於部伍上令點其官爵二傳相違蓋當時河南尹不知何人非朝隱耳又明皇雜錄曰上幸東都至繡嶺宮當時炎酷上以行宮狹隘謂左右曰此有佛寺乎吾將避暑於廣廈或云六軍填委於其中不可速行上謂高力士曰姚崇多



計第往覲之力士回奏云姚崇方袪締綌乘小駟按轡于木陰下上悅曰吾得之矣遽命小駟而頓消暑溽乃歎曰小事尚如此觸類而長之天下固受其惠矣按正月東幸二月至東都未炎暑也今不取

二月

甲戌至東都赦天下 奚契丹既內附貝州刺史宋慶

禮建議請復營州三月庚戌制復置營州都督於柳城

制復扶又翻入如字無平盧軍使管內州縣鎮戍皆如其舊武后萬歲

通天元年營州陷至是乃復以太子詹事姜師度為營田支度使與

慶禮等築之三旬而畢慶禮清勤嚴肅開屯田八十餘

所招安流散數年之間倉廩充實市里浸繁 夏四月

甲戌賜奚王李大酺妃辛氏號固安公主

酺音蒲

己丑

皇子嗣一卒追立為夏王諡曰悼

夏戶雅翻

嗣一母武惠妃

攸止之女也

武攸止武后從子也

突騎施酋長左羽林大將軍

蘇祿部衆浸彊雖職貢不乏陰有窺邊之志五月十姓

可汗阿使那獻欲發葛邏祿兵擊之上不許初上微

時與太常卿姜皎親善及誅竇懷貞等

誅懷貞等見上卷元年

皎

預有功由是寵遇羣臣莫及常出入卧内與后妃連榻

宴飲賞賜不可勝紀

勝音升

弟晦亦以皎故累遷吏部侍

郎宋璟言皎兄弟權寵太盛非所以安之上亦以為然

秋七月庚子以晦為宗正卿因下制曰西漢諸將以權

貴不全

謂漢高帝時也將即亮翻

南陽故人以優閑自保

謂漢光武時也

皎

宜放歸田園散官勲封皆如故

散悉宜翻

壬寅隴右節度

使郭知運大破吐蕃於九曲

安西副大都護湯嘉惠

奏突騎施引大食吐蕃謀取四鎮圍鉢換及大石城

鉢換

即換城大石城蓋石國城也

已發三姓葛邏祿兵與阿史那獻擊之

并州長史張嘉貞上言突厥九姓新降者散居太原

以北請宿重兵以鎮之辛酉置天兵軍於并州集兵八

萬以嘉貞為天兵軍大使

天兵軍在并州城中

太常少卿王仁

惠奏則天立明堂不合古制又明堂尚質而窮極奢侈

密邇宮掖人神雜擾甲子制復以明堂為乾元殿

毀乾元殿

見二百四卷武后垂拱四年復扶又翻又如字

冬至元日受朝賀

朝直達翻

李秋大

享復就圓丘

九月中書門下省及侍中皆復舊名

改中

書門下省及省官名見上卷元年

貞觀之制中書門下及三品官入

奏事必使諫官史官隨之有失則匡正美惡必記之諸

司皆於正牙奏事御史彈百官服牙冠對仗請彈文

牙

冠法冠也一曰柱後惠文高五寸以纚為展筒鐵柱卷執法者服之觀王義方彈李義府事可見彈徒丹翻下同

故大臣不得專君而小臣不得為讒慝

慝吐得翻

及許敬

宗李義府用事政多私僻奏事官多俟仗下於御坐前

屏左右密奏

坐祖卧翻屏必郢翻

監奏御史

監奏御史意即殿中侍御史也監古街翻

下及待制官

永徽中命弘文館學士一人日待制于武德殿西門文明元年詔京官五品已上清

官日一人待制于章善明福門先天末又以朝集使六品已上二人隨仗待制

遠立以俟其退

諫官御史皆隨仗出仗下後事不復預聞

復扶又翻

武后以

法制羣下諫官御史得以風聞言事自御史大夫至監

察得互相彈奏率以險詖相傾覆

諛皮義翻

及宋璟為相欲

復貞觀之政戊申制自今事非的須秘密者皆令對仗

奏聞史官自依故事

唐制天子御正殿則左右俯陛而聽有命則退而書之若仗在紫宸

內閣則夾香案分立殿下自永徽之後唯得對仗承旨仗下之後謀議皆不得預聞

冬十月癸

酉伊闕人孫平子上言春秋譏魯躋僖公

春秋文二年大事于太廟

躋僖公傳曰逆祀也君子以為失禮禮無不順祀國之大事也而逆之可謂禮乎子雖齊聖不先父食久矣故禹不先鯀湯不先契文武不先不窋宋祖帝乙鄭祖厲王猶上祖也上音時掌翻今遷中宗於

別廟而祀睿宗正與魯同兄臣於弟猶不可躋

謂魯倍公當臣

於閔公也

况弟臣於兄

謂睿宗之于中宗也

可躋之於兄上乎若以兄

弟同昭

昭讀曰昭

則不應出兄置於別廟願下羣臣博議遷

中宗入廟事下禮官

下退嫁翻

太常博士陳貞節馮宗蘇獻

議以為七代之廟不數兄弟殷代或兄弟四人相繼為

君

殷時陽甲盤庚小辛小乙兄弟四人相繼為君

若數以為代則無祖禰之祭

矣

禰乃禮翻今睿宗之室當亞高宗故為中宗特立別廟中

宗既升新廟睿宗乃祔高宗何嘗躋居中宗之上而平

子引躋僖公為證誣罔聖朝漸不可長時論多是平子

上亦以為然故議久不決蘇獻頤之從祖兄也

長知兩翻從才

用翻

考異曰唐歷曰獻頤

故頤右之

左傳天子之所右者寡君右之

之再從叔今從舊志新表

右音

卒從禮官議

卒子恤翻

平子論之不已謫為康州都城

尉

都城漢端溪縣地晉立都城縣屬晉康郡隋省併入端溪屬信安郡唐分端溪置康州都城屬焉

新廟成

更作太廟成也

戊寅神主祔廟

上命宋璟蘇頤為諸

皇子制名及國邑之號

偽為于翻

又令別制一佳名及佳號

進之璟等上言七子均養著於國風

詩曹國風曰鴈鳩在桑其子七兮淑



人君子其儀一兮注云鴈鵠之養其子朝

今臣等所制

名號各三十餘輒混同以進以彰陛下覆燾無偏之德

覆敷又翻

上甚善之十一月丙申契丹王李失活入朝

直朝

遙翻

考異曰長歷十一月丁酉朔丙申十月晦也與實錄差一日舊紀唐歷皆云十二月己亥契丹李失活

來朝今

十二月壬午以東平王外孫楊氏為永樂公主

妻之

東平王績紀王慎之子也慎太宗子樂音洛妻子細翻

祕書監馬懷素奏

省中書散亂訛缺請選學術之士二十人整比校補從

之此

于是搜訪逸書選吏繕寫命國子博士尹知章

桑泉尉韋述等二十人同刊正

桑泉縣隋開皇十六年分猗氏縣置屬蒲州


考異曰舊傳為櫟陽尉今從韋述集賢注記

以左散騎常侍褚無量為之使

使疏於乾元殿前編校羣書



資治通鑑卷二百一十一



總校官庶吉士臣侍朝

校對官檢討臣龔大萬

謄錄監生臣朱懷玉